

四庫全書

史部

欽定四庫全書

資治通鑑卷二百二十六 宋 司馬光 撰

胡三省 音注

唐紀四十二

起屠維協洽八月盡重光作噩五月凡一年有奇始己未八月終辛酉五月凡

二年零十月

代宗睿文孝武皇帝下

大曆十四年八月甲辰以道州司馬楊炎為門下侍郎

大曆十二年楊炎以黨元載貶懷州刺史喬琳為御史大夫並同平章

事

考異曰崔祐甫與炎皆自門下遷中書是時中書在上也憲宗以後門下在上中書在下不知何時遷

改

上方勵精求治

治直吏翻

不次用人卜相於崔祐甫

相息亮翻

祐甫薦炎器業上亦素聞其名故自遷謫中用之琳太

原人性粗率喜詆諧

粗讀曰麤喜許記翻

無它長與張涉善涉稱

其才可大用上信涉言而用之聞者無不駭愕代宗

之世吐蕃數遣使求和

吐從職入聲數所角翻使疏吏翻下同

而寇盜不

息代宗悉留其使者前後八輩有至老死不得歸者俘

獲其人皆配江嶺

使疏吏翻俘方無翻江謂大江之南嶺謂五嶺之外

上欲以德

懷之乙巳以隨州司馬韋倫為太常少卿使于吐蕃悉

集其俘五百人各賜襲衣而遣之

少始照翻襲衣衣一襲也衣一稱為一襲

協律郎沈既濟上選舉議

唐制協律郎掌和律呂辨四時之氣八風五音之節

屬太常寺正八品上上時掌翻

以為選用之法三科而已曰德也曰才

也勞也今選曹皆不及焉

選須絹翻下同

考校之法皆在書判

簿歷言詞俯仰而已

唐擇人之法有四曰身言書判身取其體貌豐偉言取其言詞辯正

書取其楷法道美判取其文理優長簿歷所以著其資考殿最俯仰則觀諸身言之間

夫安行徐

言非德也麗藻芳翰非才也累資積考非勞也執此以

求天下之士固未盡矣今人未土著

夫音扶著直畧翻

不可本

於鄉閭鑒不獨明不可專於吏部臣謹詳酌古今謂五

品以上及羣司長官宜令宰臣進叙吏部兵部得參議

焉

長知兩翻

其六品以下或僚佐之屬許州府辟用其牧守

將帥

守手又翻將即亮翻帥所類翻

或選用非公則吏部兵部得察而

舉之罪其私冒不慎舉者小加譴黜大正刑典責成授

任誰敢不勉夫如是則賢者不獎而自進不肖者不抑

而自退衆才並進而官無不治矣今選法皆擇才於吏

部試能於州郡若才職不稱

稱尺證翻

紊亂無任

紊文運翻任音士

責於刺史則曰命官出於吏曹不敢廢也責於侍郎則

曰量書判資考而授之不保其往也

量音良

責於令史則

曰按由歷出入而行之不知其它也黎庶徒弊誰任其

咎若牧守自用則罪將焉逃必州郡之濫獨換一刺史

則革矣如吏部之濫雖更其侍郎無益也

馬於虔翻更工衡翻

蓋

人物浩浩不可得而知法使之然非主司之過今諸道

節度都團練觀察租庸等使自判官副將以下皆使自

擇縱其間或有情故大舉其例十猶七全則辟吏之法

已試於今但未及於州縣耳利害之理較然可觀鄉令

諸使僚佐盡受於選曹則安能鎮方隅之重理財賦之

殷乎既濟吳人也

等使疏吏翻下諸使同將即亮翻令力丁翻選須絹翻

初衡

州刺史曹王臯有治行

治直吏翻行下孟翻衡州治衡陽縣屬湖南觀察

湖南

觀察使辛京杲疾之

大厯五年辛京杲為湖南觀察使

陷以法貶潮州

刺史

度嶺為貶

時楊炎在道州知其直及入相復擢為衡州

刺史

相息亮翻復扶又翻

始臯之遭誣在治

在治者謂微吏治其事臯以囚服在列

念太妃老將驚而戚出則囚服就辯入則擁笏垂魚高唐

宗給五品以上隨身魚銀袋以防召命之詐三品以上金飾袋天授二年改佩魚為龜中宗罷龜復給以魚郡

王嗣王亦佩金魚袋即貶于潮即就以遷入賀及是然後跪謝告

實臯明之玄孫也曹王明太宗之子朔方邠寧節度使李懷

光既代郭子儀邠府宿將史抗溫儒雅龐仙鶴張獻明

李光逸功名素出懷光右皆怏怏不服邠卑旻翻龐都江翻怏於兩翻

懷光發兵防秋屯長武城軍期進退不時應令監軍翟

文秀勸懷光奏令宿衛既離營監工衛翻翟長伯翻奏令力丁翻離力智翻

使人追捕誣以它罪且曰黃質之敗

黃質敗事見二百二十四卷九年質

音職爾之由盡殺之

九月甲戌改淮西曰淮寧西

川節度使同平章事崔寧在蜀十餘年

永泰元年崔肝入成都至是十

四年

恃地險兵彊恣為淫侈朝廷患之而不能易至是

入朝加司空兼山陵使南詔王閣羅鳳卒子鳳迦異前

死孫異牟尋立

朝直遙翻使疎吏翻卒子恤翻迦音加

冬十月丁酉朔吐

蕃與南詔合兵十萬三道入寇一出茂州一出扶文

吐從

聯入聲文州漢陰平之地隋為曲水縣義寧三年分武都之曲水正西長松置文州扶州古節至地後周天和

中置扶州舊本置龍涸防與陰平接
界蓋吐蕃出扶文南詔出黎雅也

一出黎雅

黎州之
地漢屬

越雋郡界隋置漢源縣武后大足元年置黎州黎州漢沱黎
縣雅州漢嚴道縣境相接也

考異曰建中實錄裴均

德宗實錄此月吐蕃三道入寇皆在梁益之境而來年
四月乃云去冬吐蕃三道來侵一自靈武一自山南一
自蜀又云贊普謂韋倫曰今靈武之師聞命輟矣而山
南已入扶文蜀師已趣灌口追且不及與此自相違今
不取
曰吾欲取蜀以為東府崔寧在京師所留諸將不能

禦

將即
亮翻

虜連陷州縣刺史弃城走士民竄匿山谷上憂

之趣寧歸鎮

趣讀
曰促

寧已辭楊炎言於上曰蜀地富饒寧

據有之朝廷失其外府十四年矣寧雖入朝全師尚守

其後貢賦不入與無蜀同且寧本與諸將等夷因亂得
位威令不行今雖遣之必恐無功若其有功則義不可
奪是蜀地敗固失之勝亦不得也願陛下熟察上曰然
則柰何對曰請留寧發朱泚所領范陽兵數千人雜禁
兵往擊之何憂不克

泚且禮翻
又音此

因而得內親兵於其腹

中蜀將必不敢動然後更授他帥

將即亮翻更工
衡翻帥所類翻

使千里

沃壤復為國有

復扶又翻
又音如字

是因小害而收大利也上曰

善遂留寧初馬璘忌涇原都知兵馬使李晟功名遣入

宿衛為右神策都將

璘離珍翻使疏吏翻
晟成正翻將即亮翻

上發禁兵四

千人使晟將之發邠隴范陽兵五千

邠隴邠寧隴右二鎮
之兵也將即亮翻又

音如字
下同

使金吾大將軍安邑曲環將之以救蜀

史炤曰
曲姓也

漢有代郡
太守曲謙

東川出兵自江油趨白垠

江油漢魏為無人
之地晉始置平武

縣唐改為江油縣帶龍州利州管下景谷縣西
北有白垠鎮城垠必駕翻蜀人謂平川為垠

與山南

兵合擊吐蕃南詔破之范陽兵追及於七盤

吐從臘入
聲七盤縣

屬巴州武后
久視元年置

又破之遂克維茂二州李晟追擊於大度

河外

大度河在雅州廬山縣囊宇記大度河自吐蕃界經
雅州諸部落至黎州東界流入通望界於黎州為

南邊要
害之地

又破之吐蕃南詔饑寒隕於崖谷死者八九萬

人吐蕃悔怒殺誘導使之來者異牟尋懼築苴咩城瀘自

州南渡瀘水六百五十里至羊苴咩城舊史羊苴咩城南去大和城十餘里東北至成都二千四百里去雲南

城三百里誘羊久翻咩莫者翻又徐婢翻史炤曰苴音酢又徐嗟切咩音養又彌嗟切薛能聞官軍破吉浪詩

越蕩通遊客苴咩開聚蚊又西縣塗中野色生延袤十肥羊鄉儀掘散茶梯航經杜宇烽火徹苴咩

五里徙居之吐蕃封之為日東王 上用法嚴百官震

悚以山陵近禁人屠宰郭子儀之隸人潛殺羊載以入

城隸人僕右金吾將軍裴諝奏之或謂諝曰郭公有社

稷大功君獨不為之地乎諍曰此乃吾所以為之地也

郭公勲高望重上新即位以為羣臣附之者衆

德宗之猜忌裴

諍于其初政已窺見之諍私呂翻

吾故發其小過以明郭公威權不足

畏也如此上尊天子下安大臣不亦可乎 己酉葬睿

文孝武皇帝于元陵

元陵在京兆富平縣西北二十五里檀山

廟號代宗將

發引上送之見輶輶車不當馳道稍指丁未之間

引羊晉翻

輶音溫輶音涼

考異曰按車指丁未之間則行出

道外矣蓋出門欲斜就道西不當道之中間行耳

問

其故有司對曰陛下本命在午不敢衝也上哭曰安有

枉靈駕而謀身利乎命改轅直午而行肅宗代宗皆喜

陰陽鬼神

喜許切記

事無大小必謀之卜祝故王嶼黎幹皆

以左道得進上雅不之信

嶼音余雅素也

山陵但取七月之期

禮天子七月而葬

事集而發不復擇日

復扶又翻下謀復同

十一月丁

丑以晉州刺史韓滉為蘇州刺史浙江東西觀察使

滉呼

廣翻使疏吏翻

喬琳衰老耳聵

聵五怪翻

上或時訪問應對失次

所謀議復疎闊壬午以琳為工部尚書罷政事上由是

疎張涉

喬琳涉所薦也尚辰羊翻

楊炎既留崔寧二人由是交惡

炎託以北邊須大臣鎮撫癸巳以京畿觀察使崔寧為

單于鎮北大都護朔方節度使鎮坊州

單音蟬

以荆南節

度使張延賞為西川節度使又以靈鹽節度都虞候醴

泉杜希全知靈鹽州留後代州刺史張光晟知單于振

武等城綏銀麟勝州留後

考異曰舊傳云王雄為振武今從實錄

延州刺

史李建徽知廊坊丹州留後時寧既出鎮不當更置留

後炎欲奪寧權且窺其所為今人皆得自奏事仍諷之使

伺寧過失

令力丁翻伺相吏翻喬琳為御史大夫平章事寧以為選擇御史

考異曰舊傳初寧代

當出大夫不謀及宰相乃奏請以李衡于結等數人為御史楊炎大怒其狀遂寢炎又數讒毀劉晏寧又救解之因此大怒其年十月南蠻大至上遣寧還鎮炎懼怨已入蜀難制奏止之按寧為御史大夫在吐蕃南蠻寇蜀後舊傳恐悞

十二月乙卯立宣王誦為皇太子 舊制天

下金帛皆貯於左藏太府四時上其數比部覆其出入

唐制太府掌庫藏財貨出納比部掌會計會蜀注曰唐制天下財賦皆納於左藏太府四時以數聞尚書比部覆校其出入貯丁呂翻藏狙浪翻上時掌翻比音昆 及第五琦為度支鹽鐵使音

奇度徒洛翻 時京師多豪將求取無節琦不能制將即使疎吏翻 亮翻

乃奏盡貯於大盈內庫 百寶大盈庫始於玄宗朝詳見二百二十八卷德宗建中四年

十月

使宦官掌之天子亦以取給為便故久不出由是

以天下公賦為人君私藏有司不復得窺其多少校其

贏縮

藏徂浪翻復扶又翻
贏有餘也縮不足也

殆二十年宦官領其事者三百

餘員皆蠶食其中蟠結根據牢不可動楊炎頓首於上

前曰財賦者國之大本生民之命重輕安危靡不由之

是以前世皆使重臣掌其事猶或耗亂不集

耗當讀曰
耗或讀如

字今獨使中人出入盈虛大臣皆不得知政之蠹敝莫

甚於此請出之以歸有司度宮中歲用幾何

度徒
洛翻

量數

奉入

量音良

不敢有乏如此然後可以為政上即日下詔

凡財賦皆歸左藏一用舊式歲於數中擇精好者三五

千匹進入大盈

下遐稼翻作三五十萬匹

考異曰德宗實錄今從建中實錄

災以片

言移人主意議者稱之

丙寅晦日有食之

湖南賊

帥王國良阻山為盜

帥所類翻

上遣都官員外郎闕播招撫

之

唐都官郎掌俘隸簿錄給衣糧醫藥而理其訴冤

辭行上問以為政之要對

曰為政之本必求有道賢人與之為理上曰朕比以下

詔求賢

比毘至翻近以當作已

又遣使臣廣加搜訪庶幾可以為

理乎

使疎吏翻
幾居希翻

對曰下詔所求及使者所薦惟得文詞

干進之士耳安有有道賢人肯隨牒舉選乎上悅崔

祐甫有疾上令肩輿入中書或休假在第

令力丁翻
假古訝翻

大

事令中使咨決

德宗神武孝文皇帝一

諱适代宗長子也謚法諫
爭不威曰德言不以威拒

諫也執義揚善曰
德言稱人之善也

建中元年春正月丁卯朔改元羣臣上尊號曰聖神文

武皇帝

上時
掌翻

赦天下始用楊炎議命黜陟使與觀察刺

史約百姓丁產定等級改作兩稅法

楊炎作兩稅法夏輸無過六月秋輸

無過十一月視大厯十四年墾田數為定

比來新舊徵科色目一切罷之

比昆

至翻比來猶云近來也

二稅外輒率一錢者以枉法論唐初賦歛

之法曰租庸調有田則有租有身則有庸有戶則有調

玄宗之末版籍浸壞多非其實及至德兵起所在賦歛

迫趣取辦

歛力贍翻調徒弔翻趣讀曰促

無復常準

復扶又翻又音如字

賦歛之

司增數而莫相統攝

統他綜翻俗從上聲

各隨意增科自立色目

新故相仍不知紀極民富者丁多率為官為僧以免課

役而貧者丁多無所伏匿故上戶優而下戶勞吏因緣

蠶食旬輸月送不勝困弊

勝音升

率皆逃徙為浮戶其土

著百無四五

著直畧翻

至是炎建議作兩稅法先計州縣每

歲所應費用及上供之數而賦於人量出以制入戶無

主客以見居為簿人無丁中以貧富為差

州縣有主戶客戶天寶三

載令民十八以上為中男二十
三以上成丁量音良見賢遍翻

為行商者在所州縣稅

三十之一使與居者均無僥利

言居行皆無僥幸之利也僥堅堯翻

居人

之稅秋夏兩徵之其租庸調雜徭悉省皆總統於度支

上用其言因敕令行之初左僕射劉晏為吏部尚書

楊炎為侍郎不相悅

射寅謝翻尚辰羊翻

元載之死晏有力焉

見事

上卷代宗大歷十三年載祖亥翻又如字

及上即位晏久典利權衆頗疾之

多上言轉運使可罷

多上時掌翻使疎吏翻

又有風言晏嘗密表

勸代宗立獨孤妃為皇后者

風言謂得於風聞而言之者也

楊炎為宰

相欲為元載報仇因為上流涕言晏與黎幹劉忠翼同

謀

幹忠翼死於大歷十四年事見上卷為于偽翻相息亮翻

臣為宰相不能討罪當

萬死崔祐甫言茲事曖昧陛下已曠然大赦不當復究

尋虛語

暖音愛復扶又翻

炎乃建言尚書省國政之本比置諸

使分奪其權

尚辰羊翻比毘至翻

今宜復舊上從之甲子

按是月無甲子

恐是丙子否則戊子

詔天下錢穀皆歸金部倉部

唐志金部掌天下庫藏出納之

數京市互市和市官市交易之事倉部掌天下庫儲出納租稅祿糧倉廩之事

罷晏轉運租庸

青苗鹽鐵等使

考異曰建中實錄曰初大厯中上居東宮貞懿皇后方為妃有寵生韓王回

帝又鍾愛故閹官劉清渾京兆尹黎幹與左右嬖幸欲立貞懿為皇后且言韓王所居獲黃蛇以為符動搖儲宮而晏附其謀冀立殊効圖為宰相輔時宰臣元載獨保護上以為最長而賢且嘗有功義不當移王縉亦謂人曰晏黜者也今所圖無乃過黜乎後其議漸定貞懿卒不立上憾之至是以晏大臣而附邪為姦不去將為亂

託陳奏不實謫為忠州刺史沈既濟
楊炎所薦蓋附炎為說今從舊傳

二月丙申朔命

黜陟使十一人分巡天下

黜陟使始置於
太宗貞觀八年

先是魏博節

度使田悅事朝廷猶恭順

先悉薦翻使疏
吏翻朝直遙翻

河北黜陟使

洪經綸

考異曰建中實錄黜陟使十一人而無名德
宗實錄有十人名而無河北道及經綸名蓋脫

誤也不曉時務聞悅軍七萬人符下罷其四萬令還農

下

稼翻
力丁翻

悅陽順命如符罷之既而集應罷者激怒之曰

汝曹久在軍中有父母妻子今一旦為黜陟使所罷將

何資以自衣食乎衆大哭悅乃出家財以賜之使各還

部伍於是軍士皆德悅而怨朝廷

為田悅連諸鎮之兵以拒命張本

崔祐甫以疾多不視事楊炎獨任大政專以復恩讐為

事奏用元載遺策城原州

任音壬載祖亥翻又音如字元載策見二百二十四卷代

宗大歷八年

又欲發兩京關內丁夫浚豐州陵陽渠以興屯

田

陵陽渠在豐州九原縣

上遣中使詣涇原節度使段秀實訪以

利害秀實以為今邊備尚虛未宜興事以召寇炎怒以

為沮已徵秀實為司農卿

使疏吏翻沮在呂翻

丁未邠寧節度使

李懷光兼四鎮北庭行營涇原節度使使移軍原州以

四鎮北庭留後劉文喜為別駕

為劉文喜以涇州拒命張本

京兆尹

嚴郢奏按朔方五城舊屯沃饒之地自喪亂以來

郢以并翻

喪息浪翻

人功不及因致荒廢十不耕一若力可墾闢不俟

浚渠今發兩京關輔人於豐州浚渠營田計所得不補

所費而關輔之人不免流散是虛畿甸而無益軍儲也

疏奏不報

疏所據翻

既而陵陽渠竟不成弃之

上用楊炎

之言託以奏事不實已酉貶劉晏為忠州刺史

舊志忠州京師

南二十一里二十二里

癸丑以澤潞留後李抱真為節度使

為李

抱真以澤潞為國藩翰張本

楊炎欲城原州以復秦原

秦原謂秦州原州

命李懷光居前督作朱泚崔寧各將萬人翼其後

泚且禮翻

又音此將即亮翻又音如字

詔下涇州為城具

下遐嫁翻為築城之具也

涇之將

士怒曰吾屬為國家西門之屏十餘年矣

將即亮翻屏必郢翻蔽也

始居邠州甫營耕桑有地著之安徙屯涇州

邠卑旻翻著直畧翻

徙涇州見二百二十四卷大歷三年

披荆榛立軍府坐席未暖又投之塞

外先奔原州不守故云投之塞外

吾屬何罪而至此乎李懷光始為邠

寧帥即誅溫儒雅等

事見上大歷十四年帥所類翻下同

軍令嚴峻及兼

涇原諸將皆懼曰彼五將何罪而為戮

五將即史抗溫儒雅龐仙鶴張

獻明李光逸將即亮翻

今又來此吾屬能無憂乎劉文喜因衆心

不安據涇州不受詔上疏復求段秀實為帥不則朱泚

上時掌翻疏所據翻復扶又翻或如字不讀曰否又讀如字泚且禮翻又音此

癸亥以朱泚兼

四鎮北庭行營涇原節度使代懷光

使疎翻

三月翰林

學士左散騎常侍張涉受前湖南觀察使辛京果金事

覺上怒欲寘于法李忠臣以檢校司空同平章事奉朝

請

散悉亶翻騎奇寄翻按古效翻朝直遙翻

言於上曰陛下貴為天子而先

生以乏財犯法以臣愚觀之非先生之過也

張涉先侍讀東宮故

李忠臣言以為先生

上意解辛未放涉歸田里辛京杲以私忿杖

殺部曲有司奏京杲罪當死上將從之李忠臣曰京杲

當死久矣上問其故忠臣曰京杲諸父兄弟皆戰死獨京

杲至今尚存臣故以為當死久矣上憫然左遷京杲諸

王傳忠臣乘機救人多此類

楊炎罷度支轉運使

度徒

洛翻

命金部倉部代之既而省職久廢

謂尚書省諸司失其職已久

耳

目不相接莫能振舉天下錢穀無所總領癸巳復以諫

議大夫韓洄為戶部侍郎判度支以金部郎中萬年杜

佑權江淮水陸轉運使皆如舊制

復扶又翻或如字諸杜居城南時號城南

韋杜去天尺五戶貫則萬年

劉文喜又不受詔欲自邀旌節夏四

月乙未朔據涇州叛遣其子質于吐蕃以求援

質音上致

命朱泚李懷光討之

泚且禮翻又音此

又命神策軍使張巨濟

將禁兵二千助之

使疏吏翻將即亮翻又音如字

吐蕃始聞韋倫歸

其俘

吐從暇入聲帝初即位欲以德懷吐蕃遣倫歸代宗朝所獲之俘

不之信及俘入

境各還部落稱新天子出宮人放禽獸英威聖德洽於

中國吐蕃大悅除道迎倫贊普即發使隨倫入貢且致

賻贈

至代宗之賻贈也賻音附

癸卯至京師上禮接之既而蜀將上

言吐蕃豺狼所獲俘不可歸

將上上即亮翻下時掌翻

上曰戎狄犯

塞則擊之服則歸之擊以示威歸以示信威信不立何

以懷遠悉命歸之

又悉歸劍南所獲之俘也考異曰建中實錄曰及境境上守陴者焚樓

櫓弃城壁而去初吐蕃既得河湟之地土宇日廣守兵勞弊以國家始因用胡為邊將而致禍故得河隴之士約五十萬人以為非族類也無賢愚莫敢任者悉以為奴僕故其人苦之及見倫歸國皆毛裘蓬首窺觀牆隙或捫心隕泣或東向拜舞及塞通章疏言蕃之虛實望王師之至若歲焉君子曰惜乎人心之可乘也若逾代

之後斯人既沒後生安於所習難乎哉此恐沈既
濟之溫美且欲附揚炎復河隴之說耳今不取

代宗

之世每元日冬至端午生日州府於常賦之外競為貢

獻貢獻多者則悅之武將姦吏緣此侵漁下民

自代宗迄于五

代正至端午降誕州府皆有貢
獻謂之四節進奉將即亮翻

癸丑上生日

上生於天寶元年四

月十九日
不置節名

四方貢獻皆不受李正己田悅各獻縑三萬

匹

縑并縑也

上悉歸之度支以代租賦

度徒洛翻

五月戊辰

以韋倫為太常卿乙酉復遣倫使吐蕃

復扶又翻

倫請上自

為載書

載書盟誓之書

與吐蕃盟揚炎以為非敵請與郭子儀

輩為載書以聞令上畫可而已從之

令力丁翻

朱泚等圍

劉文喜於涇州

泚且禮翻又音此

杜其出入而閉壁不與戰久

之不拔天方旱徵發餽運內外騷然朝臣上書請赦文

喜以蘇疲人者不可勝紀

朝直遙翻上時掌翻勝音升

上皆不聽曰

微孽不除何以令天下文喜使其將劉海賓入奏

孽魚列翻

將即亮翻

海賓言於上曰臣乃陛下藩邸部曲

帝初以雍王為天下兵馬

元帥討史朝義凡

在行營皆部曲也豈肯附叛臣必為陛下集其首以獻

為于偽翻

但文喜今所求者節而已願陛下姑與之文

喜必怠則臣計得施矣上曰名器不可假人

孔子之言

爾能

立效固善我節不可得也使海賓歸以告文喜而攻之

如初減御膳以給軍士城中將士當受春服者賜予如

故

予讀曰與

於是衆知上意不可移時吐蕃方睦於唐不為

發兵

偽翻為于

城中勢窮庚寅海賓與諸將共殺文喜傳首

考異曰邠志曰詔李懷光朱泚并軍誅之師圍涇城數月不拔文喜使其子求救于吐蕃蕃衆將至二將議退

軍以避之都遊奕使韓遊瓌爭之曰西戎若來涇衆必變義不為文喜沒身於戎虜秋七月西蕃遊騎登高麾

涇人涇人果曰始吾為文喜求節度耳王師致討困則歸之安能赤土塗面為異方之人乎劉海賓因之殺文

喜以衆降泚泚無所戮涇人德之萌泚之亂亦自此始按是時吐蕃通好無入援文喜事又此月涇州平而邠志云七月西蕃至皆相違今從建中實錄而原州竟不果城自上即位李正

己內不自安遣參佐入奏事會涇州捷奏至上使觀文

喜之首而歸正己益懼六月甲午朔門下侍郎同平

章事崔祐甫薨

薨呼肱翻

術士桑道茂上言陛下不出數

年暫有離宮之厄

上時掌翻離力智翻

臣望奉天有天子氣宜高

大其城以備非常辛丑命京兆發丁夫數千雜六軍之

士築奉天城

考異曰舊傳云道茂待詔翰林建中初神策修奉天城道茂請高其垣牆大為制

度德宗不之省及朱泚之亂帝倉猝出幸至奉天方思道茂之言時道茂已卒命祭之今從實錄又及袁光庭

幸奉天傳 初回紇風俗樸厚君臣之等不甚異故衆志專

一勁健無敵

統下沒翻

及有功於唐

謂平安史也

唐賜遺甚厚

遺于

季翻登里可汗始自尊大築宮殿以居婦人有粉黛文繡

之飾中國為之虛耗

可從刊入聲汗音寒為于偽翻

而虜俗亦壞及代

宗崩上遣中使梁文秀往告哀登里驕不為禮九姓胡

附回紇者說登里以中國富饒今乘喪伐之可有大利

使疏吏翻說式芮翻考異曰既云乘喪入寇當在去年今因源休冊命追叙之耳登里從之欲

舉國入寇其相頓莫賀達干登里之從父兄也

相息亮翻從才

用翻諫曰唐大國也無負於我吾前年侵太原獲羊馬數

萬可謂大捷

事見上卷代宗大歷十三年

而道遠糧乏比歸士卒多

徙行者

比必利翻及也道遠糧乏士卒殺馬食之故多徙行

今舉國深入萬一不

捷將安歸乎登里不聽頓莫賀乘人心之不欲南寇也

舉兵擊殺之并九姓胡二千人自立為合骨咄祿毗伽

可汗遣其臣聿達干與梁文秀俱入見

咄當沒翻伽求迎翻可從刊入

聲汗音寒願為藩臣垂髮不翦以待詔命乙卯命京兆見賢過翻

少尹臨漳源休冊頓莫賀為武義成功可汗

少始照翻
臨漳縣屬

相州本鄴縣地東魏孝靜帝分鄴縣于鄴城中置臨漳縣考異曰舊傳曰休妻即吏部侍郎王翊女也因小

忿而離妻族上訴下御史臺驗理休遲留不荅敕狀除名配流秦州久之移岳州建中初楊炎執政以京兆尹

嚴郢威名稍著心欲傾之郢即王翊甥壻也休與王氏離絕之時炎風聞休郢有隙遂擢休自流人為京兆少

尹俾令伺郢過失休既在職久與郢親善炎怒之奏令以本官兼御史中丞奉使回紇按休奉使時回紇方恭

順張光晟未殺董突炎安知回紇欲殺休而遣之今不取

秋七月丙寅邵州賊帥王

國良降

帥所類翻
降戶江翻

國良本湖南牙將觀察使辛京果使

戍武岡

將即亮翻使疎更翻武岡縣漢零陵郡都梁縣之地晉分都梁置武岡縣今岡東五十里有漢

都梁故城是也後漢武陵蠻為漢所伐來保此岡故謂之武岡郡國志云武岡接武陵因以得名隋廢武德四年分邵陽復置武岡縣屬邵州新志曰本武攸縣武德四年更名梁夫夷縣在今武岡界以扞西原

蠻京杲貪暴國良家富京杲以死罪加之國良懼據縣

叛與西原蠻合聚衆千人侵掠州縣瀕湖千里咸被其

害

被皮義翻

詔荆黔洪桂諸道合兵討之

荆南節度使治荆州黔中觀察使治

黔州江南西道觀察使治洪州桂管經畧觀察使治桂州黔音禽

連年不能克及曹王

臯為湖南觀察使曰驅疲昨誅反仄非策之得者也乃

遣國良書

遺于季翻

言將軍非敢為逆欲救死耳我與將軍

俱為辛京杲所構

曹王臯事見上大歷十四年

我已蒙聖朝湔洗何

心復加兵於將軍乎

朝直遙翻復扶又翻又音如字

將軍遇我不速

降後悔無及國良且喜且懼遣使乞降猶疑未決臯乃

假為使者從一騎越五百里抵國良壁鞭其門大呼曰

我曹王也

使疏吏翻騎奇寄翻呼火故翻

來受降舉軍大驚國良趨出

迎拜請罪臯執其手約為兄弟盡焚攻守之具散其衆

使還農詔赦國良罪賜名惟新

按新書南蠻傳西原蠻居廣容之南邕桂之西

地數千里種落甚衆乾元以來累為叛亂與夷獠梁崇牽覃間西原酋長吳功曹合兵內寇陷道州進攻永州

陷邵州辛京果遣王國良戍武岡國良亦叛建
中初城叙州以斷西原國良乃降降戶江翻

辛巳

遥尊上母沈氏為皇太后

沈氏以開元末選入代宗宮安祿山之亂玄宗避賊諸王

妃妾不及從者皆為賊所得拘之東都之掖庭代宗克東都入宮得沈氏留之東都宮中史思明再陷東都遂

失所

荆南節度使庾準希楊炎指奏忠州刺史劉晏

與朱泚書求營救辭多怨望又奏召補州兵欲拒朝命

忠州荆南巡屬也故庾準得以誣奏劉晏使疏吏翻泚且禮翻又音此朝直遥翻

炎證成之上

密遣中使就忠州縊殺之

縊于賜翻又于計翻

己丑乃下詔賜死

天下冤之初安史之亂數年間天下戶口什亡八九州

縣多為藩鎮所據貢賦不入朝廷府庫耗竭中國多故

戎狄每歲犯邊所在宿重兵仰給縣官

朝直遙翻
仰牛向翻

所費

不貲皆倚辦于晏晏初為轉運使獨領陝東諸道

寶應元年

劉晏充度支轉運等使代宗廣德二年始以晏為河南

江淮以來轉運使乃疏浚汴水以開漕運之利陝失冉

翻陝西皆度支領之末年兼領未幾而罷

度徒洛翻大
歷十四年晏

兼判度支建中元年晏有精力多機智變通有無曲盡其

年罷幾居豈翻

妙常以厚直募善走者置遞相望覘報四方物價

覘丑
廉翻

雖遠方不數日皆達使司

使司謂轉
運使司

食貨輕重之權悉

制在掌握國家獲利而天下無甚貴甚賤之憂常以為
辦集衆務在於得人故必擇通敏精悍廉勤之士而用
之至於句檢簿書

悍侯肝翻又下
罕翻句古侯翻

出納錢穀必委之士

類吏惟書符牒不得輕出一言常言士陷贓賄則淪弃
於時名重於利故士多清修吏雖潔廉終無榮顯利重
于名故吏多貪汚然惟晏能行之他人效者終莫能逮
其屬官雖居數千里外奉教令如在目前起居語言無
敢欺紿

紿待
亥翻

當時權貴或以親故屬之者

屬之
欲翻

晏亦應

之使俸給多少遷次緩速皆如其志然無得親職事其

場院要劇之官

俸扶用翻少始紹翻場謂交場船場院為巡院

必盡一時之選

故晏沒之後掌財賦有聲者多晏之故吏也晏又以為

戶口滋多則賦稅自廣故其理財以愛民為先諸道各

置知院官

知院官掌諸道巡院者也

每旬月具州縣雨雪豐歉之狀

白使司豐則貴糴歉則賤糶或以穀易雜貨供官用及

於豐處賣之知院官始見不稔之端先申至某月須如

干蠲免某月須如干救助

使疏吏翻如干猶言若干也程大昌曰若干者設數之言

也干猶箇也若箇猶言幾何枚也又設
干者十干自甲至癸也亦以數言也
及期晏不俟州

縣申請即奏行之應民之急未嘗失時不待其困弊流

亡餓殍然後賑之也由是民得安其居業戶口蕃息
殍居

表翻賑津忍
翻蕃音煩晏始為轉運使時天下見戶不過二百萬

見賢
遍翻其季年乃三百餘萬在晏所統則增非晏所統則

不增也其初財賦歲入不過四百萬緡季年乃千餘萬

緡晏專用權鹽法充軍國之用時自許汝鄭鄧之西皆

食河東池鹽度支主之汴滑唐蔡之東
統他綜翻俗音
如字緡眉巾翻

權古岳翻代宗寶應元年更豫州為蔡州避上名也

皆食海鹽晏主之晏以為官

多則民擾故但于出鹽之鄉置鹽官收鹽戶所煮之鹽

轉鬻於商人任其所之自餘州縣不復置官

復扶又翻下賈復同

其江嶺閒去鹽鄉遠者轉官鹽於彼貯之或商絕鹽貴

則減價鬻之謂之常平鹽

後又權茶遂置常平茶鹽官貯丁呂翻

官獲其

利而民不乏鹽其始江淮鹽利不過四十萬緡季年乃

六百餘萬緡由是國用充足而民不困弊其河東鹽利

不過八十萬緡而價復貴於海鹽先是運關東穀入長

安者

先悉薦翻

以河流湍悍率一斛得八斗至者則為成勞

受優賞晏以為江汴河渭水力不同各隨便宜造運船

教漕卒江船達揚州汴船達河陰

悍下罕翻又候肝翻汴皮變翻江船達揚

州入淮汴船自清口達河陰開元二十二年分汴水武涉滎澤置河陰縣屬河南府有河陰倉河船達

渭口渭口達太倉

渭口謂渭水入河之口

其閒緣水置倉轉相受

給自是每歲運穀或至百餘萬斛無斗升沈覆者

沈特林翻

船十艘為一綱使軍將領之

艘蘇遭翻將即亮翻

十運無失授優

勞官其人數運之後無不斑白者晏於楊子置十場造

船每艘給錢千緡

艘蘇遭翻
緡眉巾翻

或言所用實不及半虛費

太多晏曰不然論大計者固不可惜小費凡事必為永

久之慮今始置船場執事者至多當先使之私用無窘

則官物堅牢矣若遽與之屑屑校計錙銖

窘巨隕翻八
銖為錙十象

為銖安能久行乎異日必有患吾所給多而減之者減半

以下猶可也過此則不能運矣其後五十年有司果減

其半及咸通中有司計費以給之無復羨餘

復扶又翻
又音如字

羨千線翻
羨贏也

船益脆薄易壞

易以
豉翻

漕運遂廢矣

宋白曰武
德永徽之

後姜行本薛大鼎褚朗皆言漕運未能通濟後監察御史王師順請通晉絳之粟于河渭之間始置渭橋倉開元初李傑為水運使始大興漕事十八年裴耀卿以言漕運拜江淮轉運使以崔希逸蕭炅為副轉運鹽鐵有副使自此始肅宗初第五琦以錢穀見始置江淮租庸使乾元初加鹽鐵使始大鹽鐵法就山海井竈收權其鹽立監院官吏至劉晏為人勤力事無閑劇必于一日晏始以鹽鐵兼漕運

中決之不使留宿後來言財利者皆莫能及之 八月

甲午振武留後張光晟殺回紇使者董突等九百餘人

董突者武義可汗之叔父也

晟成正翻紇下沒翻使疏吏翻可從刊入聲汗音寒

代宗之世九姓胡常冒回紇之名雜居京師殖貨縱暴

與回紇共為公私之患上即位命董突盡帥其徒歸國

輜重甚盛

帥讀曰率輜莊持翻重直用翻

至振武留數月厚求資給日

食肉千斤它物稱是

稱尺證翻

縱樵牧者暴踐禾稼振武人

苦之光晟欲殺回紇取其輜重而畏其衆彊未敢發九

姓胡聞其種族為新可汗所誅多道亡

踐息淺翻種章湧翻

董突

防之甚急九姓胡不得亡又不敢歸乃密獻策於光晟

請殺回紇光晟喜其黨自離許之上以陝州之辱

事見二百

二十二卷寶應元年陝失冉翻

心恨回紇光晟知上旨乃奏稱回紇本

種非多

紇下沒翻晟成
正翻種章勇翻

所輔以彊者羣胡耳今聞其自

相魚肉頗莫賀新立移地健有孽子

登里可汗
名移地健

及國相

梅錄各擁兵數千人相攻

國相息亮翻宋白曰梅錄回
鶻將軍號柳公綽帥河東時

有梅錄將軍
李暢入貢

國未定彼無財則不能使其衆陛下不乘

此際除之乃歸其人與之財正所謂借寇兵齎盜糧者

也

引李斯諫秦
王逐客之言

請殺之三奏上不許光晟乃使副將過

其館門故不為禮董突怒執而鞭之數十光晟勒兵掩

擊并羣胡盡殺之聚為京觀獨留一胡使歸國為證曰

回紇鞭辱大將且謀襲據振武故先事誅之

將即亮
觀古玩

先悉
薦翻

上徵光晟為右金吾將軍遣中使王嘉祥往致信

幣回紇請得專殺者以復讐上為之貶光晟為睦王傅

以慰其意

睦王述上弟
也為于偽翻

加盧龍隴右涇原節度使朱

泚兼中書令盧龍隴右節度使如故

使疏
吏翻

以舒王謨為

四鎮北庭行軍涇原節度大使

行軍當
作行營

以涇州牙前兵

馬使河中姚令言為留後

為後姚
張本

令言以涇原兵作亂
考異曰舊傳孟皞尋

歸朝遂拜令言為四鎮北庭行營涇原節度使按實錄
建中三年八月以涇原節度留後姚令言為節度使此

年必始為留後也 按姚令言傳建中元年孟皞為涇原節度留後自以文吏進身不樂軍旅頻表薦令言謹

肅堪任將帥
皞尋歸朝

謨邈之子也

邈代宗子大
歷八年薨

早孤上子之

癸丑詔贈太后父祖兄弟官及自餘宗族男女拜官封

邑者告第告身

第恐當作策

凡百二十有七通中使以馬負

而賜之九月壬午將作奏宣政殿廊壞十月魁岡未可

修

陰陽家拘忌有天岡河魁凡魁岡之月及所繫之地忌修造史炤曰魁岡者北斗魁星之氣十月在戌為

魁岡宋白曰陰陽氏書謂是歲孟冬為魁岡不利修作

上曰但不妨公害人則吉

矣安問時日即命修之

大歷以前賦斂出納俸給皆

無法長吏得專之重以元王秉政貨賂公行

欽力贍翻長知兩翻

俸扶用翻元王謂元載王綬也

天下不按賊吏者殆二十年

建中實錄考異曰

云三十年蓋字之誤也

惟江西觀察使路嗣恭按虔州刺史源敷

翰流之上以宣歙觀察使薛邕文雅舊臣徵為左丞邕

去宣州盜隱官物以巨萬計殿中侍御史員寓發之

以時

宣歙二州依山而扼江湖之要分置觀察使使疏吏翻嗣祥吏翻歙音攝員音運姓也

冬十月己

亥貶連山尉

連山縣屬連州晉武帝分桂陽立廣惠縣隋改為廣澤仁壽元年改為連山縣避太

子廣諱也於是州縣始畏朝典不敢放縱上初即位疎斥宦

官親任朝士而張涉以儒學入侍薛邕以文雅登朝

朝直

遙翻

繼以賊敗宦官武將得以藉口曰南牙文臣賊動至

巨萬而謂我曹濁亂天下豈非欺罔邪

將即亮翻邪音耶

於是

上心始疑不知所倚仗矣中書舍人高參請分遣諸

沈訪求太后庚寅以睦王述為奉迎使工部尚書喬琳

副之又命諸沈四人為判官與中使分行諸道求之

尚辰

羊翻行下孟翻又音如字

十一月初令待制官外更引朝集使二

人訪以時政得失遠人疾苦

令力丁翻朝直遙翻使疏吏翻

先是公

主下嫁者舅姑拜之婦不答

先悉薦翻

上命禮官定公主拜

見舅姑及壻之諸父兄姊之儀舅姑坐受於中堂兄姊

立受于東序如家人禮有縣主將嫁擇用丁丑是日上

之從父妹卒

姊將兄翻從才用翻

命罷之有司奏供張已備

供居用翻

張知亮翻

且殤服不足廢事

殤音傷說文未成人而死者為殤禮十九至十六死者為長殤

十五至十二死者為中殤十一至八歲死者為下殤

上曰爾愛其費我愛其禮卒

罷之

卒子恤翻

至德以來國家多事公主郡縣主多不以時

嫁有華髮者雖居禁中或十年不見天子上始引見諸

宗女

髮中白者曰華見賢通翻

尊者致敬卑者存慰悉命嫁之所齋

小大之物必經心目己卯庚辰二日嫁岳陽等凡十一

縣主

齋則今翻

吐蕃見韋倫再至益喜

是年五月韋倫再使吐蕃吐從職入

聲

十二月辛卯朔倫還吐蕃遣其相論欽明思等入貢

還從宣翻又音如字相息亮翻

是歲冊太子母王氏為淑妃天下

稅戶三百八萬五千七十六籍兵七十六萬八千餘人

籍兵兵之著籍者也

稅錢一千八十九萬八千餘緡穀二百一十

五萬七千餘斛

緡眉巾翻

二年春正月戊辰成德節度使李寶臣薨

恒冀成德軍
考異曰建

中實錄云二月丁巳寶臣卒疑奏到之日也今從德宗實錄谷況燕南記曰忠志末年惟納妖妄之人兼陰陽術數諂媚苟且之輩爭獻圖識稱有尊位詐作朱草靈芝鑿石上作名字又于後堂院結壇場清齋菜食置金杯玉斚銀盤云甘靈神酒自至其內又言天符下降忠志自謂命符上天將吏罔有諫者使行文牒布告州縣云靈芝朱草王者之瑞輒生壇上香滿院中靈石呈祥天符飛應甘露如蜜神酒盈杯匪我所求不期自至各牒管内郡縣宜令知委同為喜慶也既而日為妖妄者更相矯云不日當有天神下降持金箱玉印而至然後即大位為天所授也四方皆自歸伏不待征討海內生而定矣忠志大悅多以金銀羅錦異物賞之陰陽妖妄者自知虛偽恐事泄見誅共言相公宜服甘露靈芝草湯即天神降速忠志一任妖者遂於湯中密著毒藥既

飲畢便失音三日而卒舊傳亦以為然按方士妖妄必為一府所疾所憑恃者寶臣一人耳若酖殺寶臣身在府中逃無所之安能免死乎計方士雖愚必不為此蓋時人見寶臣曾飲其湯遇疾而死以為方士所酖谷況承而書寶臣欲以軍府傳其子行軍司馬惟岳以其年

少闇弱

少詩
照翻

豫誅諸將之難制者

將即
亮翻

深州刺史張獻

誠等至有十餘人同日死者寶臣召易州刺史張孝忠

孝忠不往使其弟孝節召之孝忠使孝節謂寶臣曰諸

將何罪連頸受戮孝忠懼死不敢往亦不敢叛正如公

不入朝之意耳

朝直
遙翻

孝節泣曰如此孝節必死孝忠曰

往則併命我在此必不敢殺汝遂歸寶臣亦不之罪也

兵馬使王武俊位卑而有勇故寶臣特親愛之以女妻

其子士真

使疏吏翻妻七細翻

士真復厚結其左右故孝忠武俊

獨全

史言人不可妄殺且為孝忠武俊歸國張本復扶又翻

及薨孔目官胡震家

僮王它奴勸惟岳匿喪二十餘日詐為寶臣表求令惟

岳繼襲上不許

令力丁翻

遣給事中汲人班宏往問寶臣疾

且諭之惟岳厚賂宏宏不受還報惟岳乃發喪自為留

後使將佐共奏求旌節上又不許

汲縣屬衛州還從宣翻又音如字將即亮

翻

初寶臣與李正己田承嗣梁崇義相結

事見上卷代宗大歷十二

年嗣祥

期以土地傳之子孫故承嗣之死

見上卷大寶歷十四年

臣力為之請于朝

為于偽翻下屢為同朝直遙翻

使以節授田悅代宗

從之悅初襲位事朝廷禮甚恭河東節度使馬燧表其

必反請先為備至是悅屢為惟岳請繼襲上欲革前弊

不許或諫曰惟岳已據父業不因而命之必為亂上曰

賊本無資以為亂皆藉我土地假我位號以聚其衆耳

邠日因其所欲而命之多矣而亂日益滋是爵命不足

以已亂而適足以長亂也

德宗銳于削平藩鎮而發是言誠中肅代之病而終不能

已亂亦以召亂所行者未能副其言也長知丈翻

然則惟岳必為亂命與不命

等耳竟不許悅乃與李正已各遣使詣惟岳潛謀勒兵

拒命魏博節度副使田庭玠謂悅曰爾藉伯父遺業

田承

嗣者悅之伯父也

但謹事朝廷坐享富貴不亦善乎奈何無故

與恒鄆共為叛臣

成德節度使治恒州淄青節度使治鄆州故以恒鄆稱之恒戶登翻鄆音

運爾觀兵興以來逆亂者誰能保其家乎必欲行爾之

志可先殺我無使我見田氏之族滅也因稱病卧家悅

自往謝之庭玠閉門不內竟以憂卒

卒子恤翻

成德判官邵

真聞李惟岳之謀泣諫曰先相公受國厚恩大夫衰經

之中

相悉亮翻
衰倉同翻

遽欲負國此甚不可勸惟岳執李正已

使者送京師且請討之曰如此朝廷嘉大夫之忠則旄

節庶幾可得

使疏吏翻朝直
遙翻幾居希翻

惟岳然之使真草奏長史

畢華曰先公與二道結好二十餘年

長知兩翻
好呼到翻

奈何一

旦弃之且雖執其使朝廷未必見信正已忽來襲我孤

軍無援何以待之惟岳又從之前定州刺史谷從政惟

岳之舅也有膽略頗讀書王武俊等皆敬憚之為寶臣

所忌從政乃稱病杜門惟岳亦忌之不與國事日夜獨

與胡震王宅奴等計議多散金帛以悅將士

將即亮翻

從政

往見惟岳曰今海內無事自上國來者

時藩鎮竊據自北古諸侯謂京

師為上國

皆言天子聰明英武志欲致太平深不欲諸侯子

孫專地爾今首違詔命天子必遣諸道致討將士受賞

皆言為大夫盡死

為于偽翻下且為同

苟一戰不勝各惜其生誰

不離心大將有權者乘危伺便咸思取爾以自為功矣

伺相
吏翻

且先相公所殺高斑大將殆以百數撓敗之際

撓奴

教翻

其子弟欲復仇者庸可數乎又相公與幽州有隙

謂李

實臣襲朱滔也事見上
卷代宗大厯之十年

朱滔兄弟常切齒于我今天子

必以為將滔與吾擊柝相聞

左傳曰魯擊柝聞於邾謂接境也

計其聞命

疾驅若虎狼之得獸也何以當之

是後李惟岳禍敗皆如谷從政所言

昔

田承嗣從安史父子同反身經百戰凶悍聞于天下

嗣祥

吏翻
又戶肝翻

違詔舉兵自謂無敵及盧子期就擒吳希

光歸國承嗣指天垂泣身無所措賴先相公按兵不進

且為之祈請先帝寬仁赦而不誅

事亦見上卷大歷十年相息亮翻為于偽翻

不然田氏豈有種乎況爾生長富貴齒髮尚少不更艱

危

種章勇翻長知丈翻少詩照翻更工衡翻

乃信左右之言欲效承嗣所為

乎為爾之計不若辭謝將佐使惟誠攝領軍府身自入

朝乞留宿衛因言惟誠且留攝事恩命決於聖志上必

悅爾忠義縱無大位不失榮祿永無憂矣不然大禍將

及吾亦知爾素疎忌我顧以舅甥之情事急不得不言

耳惟岳見其言切益惡之從政乃復歸杜門稱病

將即亮翻

朝直遙翻惡鳥路翻復扶又翻又音如字

惟誠者惟岳之庶兄也謙厚好書

得衆心

好呼到翻

其母妹為李正已子婦

母妹者惟誠同母之妹也

是日

惟岳送惟誠於正已正已使復姓張遂仕淄青惟岳遣

王宅奴詣從政家察其起居

將殺之示之以意使自引分

從政飲藥

而卒

卒子恤翻

且死曰吾不憚死哀張氏今族滅矣

李實臣本張忠

志故云然

劉文喜之死也李正已田悅等皆不自安劉晏死

正已等益懼

劉文喜劉晏死皆見上年

相謂曰我輩罪惡豈得與劉

晏比乎

李正已田悅非面相告語也使人傳言有此語

會汴州城隘廣之東方

人訛言上欲東封

汴皮變翻隘烏介翻東封非東封秦山之謂蓋用左傳燭之武說秦伯既

東封鄭又欲肆其西封之語

故城汴州正己懼發兵萬人屯曹州

曹州

李正己巡屬與汴州接壤

田悅亦完聚為備

杜預曰完聚者完城郭聚人民

與梁崇

義李惟岳遙相應助河南士民騷然驚駭永平舊領汴

宋滑毫陳潁泗七州

此平李靈曜後永平軍所領巡屬也按代宗大歷七年賜滑毫軍號

永平十一年平李靈曜增領宋泗二州十四年增領汴潁二州滑毫未賜軍號之前已領陳州共七州

丙

子分宋毫潁別為節度使以宋州刺史劉洽為之以泗

州隸淮南又以東都留守路嗣恭為懷鄭汝陝四州河

陽三城節度使

使疏吏翻守式又翻
嗣祥吏翻陝失冉翻

旬日又以永平節

度使李勉都統洽嗣恭二道仍割鄭州隸之選嘗為將

者為諸州刺史以備正已等

統它綜翻俗又讀
如字將即亮翻

初高

力士有養女嫠居東京

嫠里之翻
無夫為嫠

頗能言宮中事女官

李真一意其為沈太后詣使者具言其狀

去年遣使
訪求太后

上

聞之驚喜時沈氏故老已盡無識太后者上遣宦官宮

人往驗視之年狀頗同宦官宮人不審識太后皆言是

高氏辭稱實非太后驗視者益疑之強迎入上陽宮

強其

兩翻下

上發宮女百餘人齎乘輿服御物就上陽宮供

奉

乘繩證翻與音于

左右誘諭百方

誘音酉

高氏心動乃自言是

驗視者走馬入奏上大喜二月辛卯上以偶日御殿羣

臣皆入賀

唐制天子以隻日受朝賀今喜於得太后故以耦日御殿而受賀

詔有司草

儀奉迎高氏弟承悅在長安恐不言久獲罪遽自言本

末上命力士養孫樊景超往覆視景超見高氏居內殿

以太后自處

處昌呂翻

左右侍衛甚嚴景超謂高氏曰姑何

自置身於俎上

謂將以詐僞伏罪如置身俎上以俟刀也

左右叱景超使下

景超抗聲曰有詔太后詐偽左右可下左右皆下殿高

氏乃曰吾為人所強非已出也

強其兩翻

以牛車載還其家

還從宣翻又音如字

上恐後人不復敢言太后皆不之罪曰吾寧

受百欺庶幾得之

復扶又翻幾居依翻

自是四方稱得太后者數

四皆非是而真太后竟不知所之

之往也

御史中丞盧

杞奕之子也

天寶十四載安祿山陷洛陽李愷盧奕死之

貌醜色如藍有口

辯上悅之丁未擢為大夫

擢為御史大夫

領京畿觀察使

句

郭

子儀每見賓客姬妾不離側杞嘗往問疾子儀悉屏侍

妾獨隱几待之

離力智翻屏必郢翻隱於斬翻

或問其故子儀曰杞貌

陋而心險婦人輩見之必笑它日杞得志吾族無類矣

楊炎既殺劉晏朝野側目李正己累表請晏罪譏斥朝

廷炎懼遣腹心分詣諸道以宣慰為名實使之密諭節

度使云晏昔朋附姦邪請立獨孤后上自惡而殺之上

聞而惡之

朝直遙翻度使疎吏翻惡烏路翻

由是有誅炎之志隱而未

發乙巳遷炎為中書侍郎擢盧杞為門下侍郎並同平

章事不專任炎矣杞最陋無文學

叢祖外翻

炎輕之多託疾

不與會食

唐制諸宰相日會食于政事堂

杞亦恨之杞陰狡欲起勢立

威小不附者必欲寘之死地引太常博士裴延齡為集

賢殿直學士親任之

為廬杞以姦邪致亂張本然杞為建中厲階人皆知之其引裴延齡

以樹黨其禍蔓延于貞元之末年人未知其罪也故通鑑著言之

丙午更汴宋軍曰

宣武

按是時李勉以永平軍節度使鎮汴州蓋以宋毫潁為宣武軍當從新書方鎮表更工衡翻

振武節度使彭令芳苛虐監軍劉惠光貪婪

婪廬含翻

乙卯

軍士共殺之發京西防秋兵萬二千人戍關東

時吐蕃通

和西邊無警而河南北諸鎮連兵拒命關東騷然故抽京西防秋之兵以戍關東

上御望春樓

望春樓在灞水之西臨廣運潭

宴勞將士

勞力到翻將即亮翻

神策軍士獨不飲

上使詰之其將楊惠元對曰臣等發奉天軍帥張巨濟

戒之曰此行大建功名凱還之日相與為歡故不敢奉詔

按建中元年遣神策軍使張巨濟將禁兵助朱泚等討劉文喜蓋涇州既平巨濟還屯奉天也詰去吉翻帥所

類翻還音及行有司緣道設酒食獨惠元所部鉅鵬不

發

鵬鳥重翻

上深歎美賜書勞之

勞力到翻

惠元平州人也

平州北平

郡

三月置澉州於郾城

魏收地形志潁川郡曲陽縣有郾城後齊置臨潁郡隋廢

郡為郾城縣唐屬蔡州時分郾城臨潁陳州之澉水置澉州澉于巾翻郾于建翻

辛巳以汾

州刺史王翊為振武軍使鎮北綏銀等州留後

翊戶萌翻

遣殿中少監崔漢衡使于吐蕃

少始照翻使疏更翻吐從瞰入聲

梁

崇義雖與李正己等連結兵勢寡弱禮數最恭或勸其

入朝

朝直遙翻

崇義曰來公有大功於國上元中為閹宦所

讒遷延稽命

稽緩也

及代宗嗣位不俟駕入朝猶不免族

誅

來公謂來瑱死于廣德元年事見二百二十四卷

吾歲久疊積何可往也淮

寧節度使李希烈屢請討之

方鎮表大歷十四年淮西節度使復治蔡州賜號淮

寧軍事見上

崇義懼益修武備流人郭昔告崇義為變

郭昔以告

崇義得流罪史因稱流人以叙其事

崇義聞之請罪上為之杖昔遠流之

為于偽翻下為陳同

使金部員外郎李舟詣襄州諭旨以安之舟

嘗奉使詣劉文喜為陳禍福文喜囚之會帳下殺文喜

以降諸道跋扈者聞之謂舟能覆城殺將

將即亮翻

至襄州

崇義惡之舟又勸崇義入朝言頗切直崇義益不悅及

遣使宣慰諸道舟復詣襄州崇義拒境不內

惡為路翻復扶又翻

拒境者拒之于境上

上言軍中疑懼請易以它使

上時掌翻

時兩河諸

鎮方猜阻上欲示恩信以安之夏四月庚寅加崇義同

平章事妻子悉加封賞賜以鐵券遣御史張著齎手

詔徵之仍以其裨將蘭杲為鄧州刺史

裨賓彌翻鄧州治穰縣

五月丙寅以軍興增商稅為什一

楊炎定稅法商賈三十稅一今增之

田悅卒與李正己李惟岳定計

卒子恤翻終也竟也

連兵拒命遣

兵馬使孟祐將步騎五千北助惟岳

將即亮翻又音如字騎奇寄翻

薛

嵩之死也田承嗣盜據洛相二州

事見上卷大歷十年洛音名相息亮翻

朝廷獨得邢磁二州及臨洛縣

臨洛漢之易陽縣地屬趙國晉屬廣平郡後魏

屬魏郡後齊廢入襄國縣置襄國郡後周改置易陽縣別置襄國縣隋開皇之六年改易陽為邯鄲十年改邯

鄆為臨洛屬武安郡唐屬洛州范大成北使錄臨洛縣東至洛州三十五里朝直遙翻磁牆之翻

悅欲

阻山為境曰邢磁如兩眼在吾腹中不可不取乃遣兵

馬使康愔將八千人圍邢州

使疏吏翻愔挹淫翻將即亮翻又音如字

別將

楊朝光將五千人柵於邯鄲西北以斷昭義救兵

邯鄲縣漢

屬趙國晉屬廣平郡東魏廢隋復置屬武安郡唐屬磁州余按隋開皇十年既改邯鄲為臨洛隋志不復言別置邯鄲至唐志則臨洛縣屬洛州邯鄲縣屬磁州蓋邯鄲縣必復置於唐世與臨洛各為一縣史逸其置縣之歲月也宋白曰臨洛縣漢易陽縣地屬趙國魏屬魏郡晉屬廣平郡後魏省入邯鄲孝文于北中府城復置易陽縣屬廣平郡今理是也隋開皇六年改易陽為邯鄲縣十年移邯鄲理涉鄉在今邯鄲縣界仍於北中府城

置臨洛縣北濱洛水為名九域志邯鄲縣在磁州
東北七十里柵測草翻邯音寒鄲音單斷音短
悅自

將兵數萬圍臨洛

考異曰馬燧傳悅自將兵三萬圍
邢州次臨洛燕南記悅自統馬步五

千人應接
今從舊傳

邢州刺史李共臨洛將張仵堅壁拒守

仵音

貝州刺史邢曹俊田承嗣舊將也老而有謀悅寵信牙

官扈寧而疎之

嗣徐史翻將即
亮翻寧五各翻

及攻臨洛召曹俊問計

曹俊曰兵法十圍五攻

此孫子兵
法之言

尚書以逆犯順勢更

不侔

尚辰羊翻言以寡敵衆勢已
不侔而以逆犯順更不侔也

今頓兵堅城之下糧

竭卒盡自亡之道也不若置萬兵於崞口以遏西師

西師

謂澤潞河東之師自西山而下嶂音郭嶂口當西山之下直相州之西

則河北二十四州

皆為尚書有矣

河北二十四州即玄宗所謂河朔二十四郡也自至德改郡為州安史既平之後

後河北又有分置之州若以開元天寶河北道採訪使所統大畧言之此時河北不止二十四州邢曹俊之說

蓋因時俗為諸將惡其異已共毀之悅不用其策

為悅推敗

張本惡

烏路翻

資治通鑑卷二百二十六

欽定四庫全書

史部

資治通鑑卷二百二十八

詳校官修撰臣錢 啓

洗馬臣王坦修覆勘

總校官知縣臣楊懋珩

校對官中書臣嵇承志

謄錄監生臣陳振德

欽定四庫全書

資治通鑑卷二百二十七

宋司馬光撰

胡三省音注

唐紀四十三

起重光作噩六月盡玄默閏茂凡一年
有奇始辛酉六月終壬戌凡一年零六

月

德宗神武聖文皇帝二

建中二年六月庚寅以浙江東西觀察使蘇州刺史韓

滉為潤州刺史浙江東西節度使

蘇州治吳縣滉呼廣
翻潤州治京口使疎

更翻名其軍曰鎮海

張著至襄陽

是年四月遣著今至襄陽蓋張著亦疑梁

崇義遲遲不進也

梁崇義益懼陳兵而見之蘭杲得詔不敢發

得除鄧州之詔也

馳見崇義請命

請免其死

崇義對著號泣竟不受

詔

號戶翻

著復命癸巳進李希烈爵南平郡王

渝州南平郡

加

漢南漢北兵馬招討使督諸道兵討之

考異曰德宗實錄五月己巳

加淮寧節度李希烈南平郡王漢南漢北通知諸道兵馬使招撫處置使希烈傳曰山南東道節度使梁崇義

拒捍朝命迫脅使臣二年六月詔諸道節度率兵討之加希烈南平郡王兼漢南北都知諸道兵馬招撫處置

使今從建中實錄

楊炎諫曰希烈為董秦養子親任無比卒逐

秦而奪其位

事見二百二十五卷代宗大厯十四年董秦賜姓名李忠臣卒子恤翻

為人

狼戾無親

狼當作狠

無功猶倔強不法

倔渠勿翻強其兩翻

使平崇義

何以制之上不聽炎固爭之上益不平荆南牙門將吳

少誠以取梁崇義之策干李希烈希烈以少誠為前鋒

少誠幽州潞人也

將即亮翻少始照翻潞縣漢屬漁陽郡晉屬燕國隋屬涿郡唐屬幽州以

潞水自塞北來經縣界名縣

時內自關中西暨蜀漢南盡江淮閩越

北至太原所在出兵而李正己遣兵扼徐州甬橋渦口

閩眉巾翻甬橋在徐州南界汴水上後置宿州於此渦口渦水入淮之口渦音戈

梁崇義阻兵

襄陽運路皆絕人心震恐江淮進奉船千餘艘泊渦口

不敢進

艘蘇遭翻

上以和州刺史張萬福為濠州刺史

使之通渦

口水

萬福馳至渦口立馬岸上發進奉船溜青將士停

岸睥睨不敢動

渦莊持翻睥匹諂翻睨研計翻

辛丑汾陽忠武王郭

子儀薨

薨呼肱翻

子儀為上將擁彊兵程元振魚朝恩讒毀

百端詔書一紙徵之無不即日就道由是讒謗不行

並事

見代宗紀朝直遥翻

嘗遣使至田承嗣所承嗣西望拜之曰此膝

不屈於人若干年矣李靈曜據汴州作亂

事見二百二十五卷代宗

大厯十一年使疏吏翻
嗣祥吏翻汴皮變翻

公私物過汴者皆留之惟子儀

物不敢近

近其

遣兵衛送出境校中書令考凡二十四

月入俸錢二萬緡私產不在焉

校古效翻俸扶用翻緡眉巾翻

府庫珍

貨山積家人三千人八子七壻皆為朝廷顯官

郭子儀八子曜

晞盱眙晤
暖曙映

諸孫數十人每問安不能盡辨領之而已僕

固懷恩李懷光渾瑊皆出麾下

渾戶昆翻又戶本翻瑊古咸翻

雖貴為

王公常願指役使趨走於前家人亦以僕隸視之天下

以其身為安危殆三十年

殆迎也將也郭子儀奮自朔方是年肅宗至德元載也至

建中二年而薨是年歲在重光作噩自柔兆涸
灘至重光作噩二十六年耳故云殆三十年

功蓋天

下而主不疑位極人臣而衆不疾窮奢極欲而人不非

之年八十五而終其將佐至大官為名臣者甚衆

將即亮翻

壬子以懷鄭河陽節度副使李光為河陽懷州節度使

割東畿五縣隸焉

光居包翻使疏吏翻東畿東都畿也五縣河陽河清濟源溫王屋

北庭安西自吐蕃陷河隴隔絕不通

陷河隴見二百二十卷代宗廣德

元年吐從職入聲

伊西北庭節度使李元忠四鎮留後郭昕帥

將士閉境拒守

昕許斤翻帥讀曰率

數遣使奉表皆不達聲問絕

者十餘年至是遣使間道歷諸胡自回紇中來

數所角翻間古

翻

上嘉之秋七月戊午朔加元忠北庭大都護賜爵

寧塞郡王

廓州寧塞郡

以昕為安西大都護四鎮節度使賜

爵武威郡王

涼州武威郡

將士皆遷七資元忠姓名朝廷所

賜也本姓曹名令忠昕子儀弟也李希烈以久雨未

進軍上怪之盧杞密言於上曰希烈遷延以揚炎故也

因炎諫用希烈而間之

陛下何愛炎一日之名而墮大功

墮讀日隳

不

若暫免炎相以悅之事平復用無傷也

相息亮翻復扶又翻又音如字

上以爲然庚申以災爲左僕射罷政事

射寅謝翻
異曰舊傳云初

考

災之南來途經襄漢固勸梁崇義入朝崇義不能從已懷反側尋又使其黨李舟奉使馳說崇義因而拒命遂圖叛逆皆災迫而成之至是德宗欲假希烈兵勢以討崇義災又固言不可上不能平會德宗嘗訪宰相羣臣中可以有以災論議疎闊遂罷災相建中實錄曰災與盧杞同上以大政杞形神詭陋夙爲人所藪而災氣岸高峻罕食細故方病飲食無節或爲糜餐別食間中每登堂會食辭不能偶譏者乘之謂杞曰楊公鄙公不欲同食杞銜之舊制中書舍人分署尚書六曹以平奏報中廢其職杞議復之以疏其煩災不可杞曰杞不才幸措足于斯亦當有運用以荅天造寧常拳杞之手乎因密啟中書主書有過局者有詔逐之災怒曰中書吾局也政之不修吾自理之設不理當共議何陰訴而越官邪因不相

平時淮西節度使李希烈寵任方盛上欲以之平襄陽
炎以為不可上曰卿勿復言遂以希烈統之時夏潦方
壯澶漫數百里故希烈軍久不得發會炎病請急累日
杞啟免炎相以悅之上以為然使中官朱如玉就第先
諭旨翌日遷左僕射謁謝之日恩旨甚渥杞大懼按
沈既濟為炎所引故建中實錄言炎罷相與德宗實
錄頗異今取其可信者書之然舊傳云

以前永平節

度使張鎰為中書侍郎同平章事鎰齊丘之子也

使疎吏翻

鎰弋質翻張齊丘玄宗時為朔方節度使以朔方節度使崔寧為右僕射

射寅

謝翻

丙子贈故伊州刺史袁光庭工部尚書光庭天寶

末為伊州刺史吐蕃陷河隴光庭堅守累年吐蕃百方

誘之不下

伊州治伊吾縣漢伊吾盧地尚辰羊翻吐從瞰入聲誘音酉

糧竭兵盡城

且陷光庭先殺妻子然後自焚郭昕使至朝廷始知之

昕許斤翻朝直遙翻

故贈官

辛巳以邠寧節度使李懷光兼朔

方節度使

邠卑旻翻

癸未河東節度使馬燧昭義節度使

李抱真神策先鋒都知兵馬使李晟大破田悅於臨洛

時悅攻臨洛累月不拔城中食且盡府庫竭士卒多死

傷張仵飾其愛女使出拜將士曰諸君守戰甚苦仵家

無它物請鬻此女為將士一日之費衆皆哭曰願盡死

力不敢言賞李抱真告急於朝

朝直遙翻

詔馬燧將步騎二

萬與抱真討悅又遣李晟將神策兵與之俱又詔幽州

留後朱滔討惟岳

李惟岳也

燧等軍未出險先遣使持書諭

悅為好語悅謂燧畏之不設備燧與抱真合兵八萬東

下壺關

考異曰舊田悅傳云七月三日師自壺關東下收賊盧家砦燧傳云十一月師次邯鄲恐悞

今從悅傳燕南記

軍于邯鄲擊悅支軍破之悅方急攻臨洺分

李惟岳兵五千助楊朝光明日燧等進攻朝光柵悅將

萬餘人救之燧命大將李自良等禦之於雙岡

雙岡在邯鄲西

北臨洛之西亦名盧家壩令之曰悅得過必斬爾自良等力戰悅軍

却燧推火車焚朝光柵

推吐雷翻車尺遮翻

斬朝光獲首虜五千

餘級居五日燧等進軍至臨洛悅悉衆力戰凡百餘合

悅兵大敗斬首萬餘級

考異曰舊李晟傳戰于臨洛諸軍皆却晟引兵度洛水乘水

而濟橫擊悅軍王師復振擊悅大破之據此則是臨洛戰在冬也與馬燧傳十一月師次邯鄲相應實錄十二

月庚寅馬燧加左僕射又云先是悅遣將康愔領兵圍邢州楊光朝圍臨洛燧與抱真及神策將李晟合勢救

之大敗賊於雙岡斬楊朝光禽其大將盧子昌乘勝進軍又破悅於臨洛故燧等加官按實錄此戰無月日但

於馬燧加官時言之今據燧傳先敗悅於雙岡斬楊朝光居五日乃進至臨洛即實錄此月癸未衆軍破悅於

臨洛也實錄在此年冬與此相違燕南記亦云七月燧與抱真兵八萬自潞府東下壺關先收邯鄲盧家砦朝光戰死臨洛城又大破悅悅退走在李正已死前與實錄此月相應臨洛之戰疑諸軍已集燧等若未至張仵必不能獨破悅軍新本紀十一月丁丑馬燧及田悅戰于雙岡敗之不知此日何出亦與諸書相違今止從七

月悅引兵夜遁邢州圍亦解

是年五月悅使其將康愔圍邢州悅敗走而圍亦解

時平盧節度使李正已薨子納祕之擅領軍務悅求

救於納及李惟岳納遣大將衛俊將兵萬人惟岳遣兵

三千人救之悅收合散卒得二萬餘人軍于洹水淄青

軍其東成德軍其西首尾相應馬燧帥諸軍進屯鄴

洹于

原翻帥讀曰率洹水縣屬魏州本漢內黃地後周武帝置洹水縣因水而名洹莊持翻鄴縣屬相州奏求

河陽兵自助詔河陽節度使李光將兵會之光居包翻八

月李納始發喪奏請襲父位上不許梁崇義發兵攻

江陵至四望

今隨州隨縣之東有四望山其山最高四望皆可見

大敗而歸乃收

兵襄鄧李希烈引軍循漢而上

上時掌翻

與諸道兵會崇義

遣其將翟暉杜少誠逆戰於蠻水希烈大破之追至踈

口又破之

將即亮翻翟萇伯翻少始照翻水經漢水自襄陽東流又屈而西南流又東南流逕黎丘

故城西又南與踈水合踈水出中廬縣西南東流至卽縣北界東入漢水謂之踈口漢水又南過宜城東夷水

出自房陵縣東流注之桓
溫以其父名彛改曰蠻水

二將請降希烈使將其衆先

入襄陽慰諭軍民

將即亮翻降戶江翻使
將同上音又音如字

崇義閉城拒

守守者開門爭出不可禁崇義與妻赴井死傳首京師

范陽節度使朱滔將討李惟岳軍于莫州張孝忠將

精兵八千守易州

范陽節度使治幽州莫州在幽州南
二百八十里易州成德巡屬在幽州

西二百一
十四里

滔遣判官蔡雄說張孝忠曰

說式
為翻

惟岳乳臭

兒敢拒朝命今昭義河東軍已破田悅淮寧李僕射克

襄陽計河南諸軍朝夕北向恒魏之亡可佇立而須也

使君誠能首舉易州以歸朝廷則破惟岳之功自使君

始此轉禍為福之策也

朝直遙翻射寅謝翻恒戶登翻使疎吏翻

孝忠然之

遣牙官程華詣滔遣錄事叅軍董稹奉表詣闕

稹章恐翻

滔

又上表薦之

上時掌翻

上悅九月辛酉以孝忠為成德節度

使命惟岳護喪歸朝惟岳不從孝忠德滔為子茂和娶

滔女

為于偽翻

深相結

壬戌加李希烈同平章事

初李

希烈請討梁崇義上對朝士亟稱其忠

亟去吏翻

黜陟使李

承自淮西還

還從宣翻又音如字

言於上曰希烈必立微功但恐

有功之後偃蹇不臣更煩朝廷用兵耳上不以為然希

烈既得襄陽遂據之為已有上乃思承言時承為河中

尹甲子以承為山南東道節度使上欲以禁兵送上

上時

掌

承請單騎赴鎮至襄陽希烈寘之外館迫脅萬方承

誓死不屈希烈乃大掠闔境所有而去承治之朞年軍

府稍完

騎奇寄翻闔戶臘翻治直之翻

希烈留牙將於襄州守其所掠

財由是數有使者往來

將即亮翻數所角翻

承亦遣其腹心臧叔

雅往來許蔡

李希烈既自襄陽還蔡州尋徙鎮許州故李承陰遣人至許蔡結其諸將以圖之

厚結希烈腹心周曾等與之陰圖希烈

為周曾等圖希烈不克而死張

本

初蕭嵩家廟臨曲江玄宗以娛遊之地非神靈所

宅命徙之楊炎為相惡京兆尹嚴郢

相息亮翻惡鳥路翻

左遷大

理卿盧杞欲陷炎引郢為御史大夫先是炎將營家廟

先悉薦翻

有宅在東都憑河南尹趙惠伯賣之惠伯買以為

官廨郢按之以為有義利

義于線翻

杞召大理正田晉議法

唐志大理正從五品下掌議獄正科條凡丞斷罪不當則以法正之

晉以為律監臨官市

買有義利以乞取論當奪官杞怒

監古衡翻下同

貶晉衡州司

馬衡州京師東南三千四百三更召它吏議法衡翻以

為監主自盜罪當絞炎廟正直蕭嵩廟地祀因譖炎云

茲地有王氣王于故玄宗令嵩徙之炎有異志故於其

地建廟冬十月乙未炎自左僕射貶崖州司馬令力丁

謝翻舊志崖州至京未至崖州百里縊殺之惠伯自河

中尹貶費州多田尉費州漢牂柯郡隋黔安郡涪川縣

二縣置費州多田縣武德四年務州刺史奏置以土地

稍平墾田盈畛故以多田為名貞觀四年改費州為思

州乾元元年復為費州京師南四千七百里至東都尋

亦殺之 辛巳冊太子妃蕭氏 癸卯祫太廟先是太

祖既正東向之位獻懿二祖皆藏西夾室不饗至是復

奉獻祖東嚮而饗之

先悉薦翻復扶又翻獻祖宣皇帝熙太祖之祖也懿祖光皇帝天賜

太祖之父也太祖景皇帝虎始封於唐者也唐初饗四廟宣光二帝太祖世祖也貞觀九年祫高祖於太廟朱子詹請準禮立七廟三昭三穆各置神主太祖依晉宋已來故事虛其位待遞遷方處之東向位於始是祫弘農府君重耳及高祖為六室虛太祖之位而行祫祫至二十三年太宗祫廟遷弘農府君乃藏于西夾室文明元年高宗祫廟始遷宣皇帝于西夾室至開元十年玄宗特立九廟於是追尊宣皇帝為獻祖復列於室光皇帝為懿祖以備九室祫祫猶虛太祖之位祝文於三祖不稱臣明全廟數而已至德二載剋復後新作九室神

主遂不作弘農府君神主明禘祫不及故也至寶應二年祔玄宗肅宗於廟遷獻懿二祖於西夾室始以太祖當東向位至是年將祫饗禮儀使顏真卿奏令出獻懿二祖行事其布位次第及東向之位請準東晉蔡謨議為定遂以獻祖當東向懿祖於昭位南向
太祖於穆位北向左昭右穆陳列行事 徐州刺史

李洧正己之從父兄也李納寇宋州彭城令太原白季

庚說洧舉州歸國

洧于軌翻從才用翻說式芮翻

洧從之遣攝巡官崔

程奉表詣闕且使口奏并白宰相以徐州不能獨抗納

乞領徐海沂三州觀察使況海沂二州今皆為納有洧

與刺史王涉馬萬通素有約

使疎吏翻考異曰此據舊傳也實錄萬通以密州

降蓋自沂移密

苟得朝廷詔書必能成功程自外來

言自外方來

以

為宰相一也先白張鎰鎰以告盧杞杞怒其不先白已

不從其請

相息亮翻鎰戊質翻

戊申加洧御史大夫充招諭使

十一月戊午以永樂公主適檢校比部郎中田華上不

欲違先志故也

永樂公主許降田華見二百二十五卷代宗大厯九年樂音洛

蜀王

傀更名遂

傀苦猥翻更工衡翻

辛酉宣武節度使劉洽神策都

知兵馬使曲環滑州刺史襄平李澄朔方大將唐朝臣

大破淄青魏博之兵於徐州

按新書李澄傳澄遼東襄平人唐自高宗世遼東之

地已弃而不有李澄時以本貫在遼東襄平耳朝直遙翻溜莊持翻先是李納遣其將王

溫會魏博將信都崇慶

亮先悉薦翻將即都復姓

共攻徐州李洧

遣牙官溫人王智興詣闕告急

溫古縣唐初屬懷州顯慶二年度屬洺州

智

興善走不五日而至

舊志徐州京師東二千六百四里

上為之發朔方

兵五千人

為于偽翻

以朝臣將之

朝直遙翻將即亮翻又音如字

與洽環澄

共救之時朔方軍資裝不至旗服弊惡宣武人嗤之曰

乞子能破賊乎朝臣以其言激怒士卒且曰都統有令

嗤丑之翻都統謂李勉也統也綜翻俗音從上聲

先破賊營者營中物悉與之

士皆憤怒爭奮崇慶溫攻彭城二旬不能下請益兵於納

納遣其將石隱金將萬人助之

考異曰實錄前作隱金後作隱全今從其前

與劉洽等相拒於七里溝日向暮洽引軍稍却朔方馬

軍使楊朝晟言於唐朝臣曰公以步兵負山而陳以待

兩軍我以騎兵伏於山曲賊見懸軍勢孤必搏之我以

伏兵絕其腰必敗之

使疎吏翻晟成正翻陳讀曰陣敗補邁翻騎奇寄翻

朝臣從

之崇慶等果將騎二千踰橋而西追擊官軍伏兵發橫

擊之崇慶等兵中斷狼狽而返阻橋以拒官軍其兵有

爭橋不得涉水而度者朝晟指之曰彼可涉吾何為不

涉遂涉水擊據橋者皆走崇慶等兵大潰洽等乘之斬

首八千級溺死過半朔方軍盡得其輜重溺奴狄翻旗

服鮮華乃謂宣武人曰乞子之功孰與宋多宋指宣武兵也時以

宋毫為宣武軍劉洽自宋州刺史為宣武節度使故云然宣武人皆慙官軍乘勝逐

北至徐州城下魏博淄青軍解圍走江淮漕運始通淄莊

持翻漕在到翻已已詔削李惟岳官爵募所部降者赦而

賞之降戶江翻甲申淮南節度使陳少遊遣兵擊海州其

刺史王涉以州降

海州李納巡屬使疏更翻少始照翻降戶江翻

十二月李

納密州刺史馬萬通乞降丁酉以為密州刺史

宋白曰密州居

海得禹貢嵎夷之地春秋時為莒魯之地州理即魯之諸城也漢為高密國晉立東莞郡後魏立膠州隋改曰

密州取境中密水為名

崔漢衡至吐蕃

崔漢衡使吐蕃見上卷是年三月吐從瞰入聲

贊普以勅書稱貢獻及賜全以臣禮見處

處昌呂翻

又雲州

之西當以賀蘭山為境

五代志靈武弘靜縣有賀蘭山弘靜縣唐改為保靜雲州當作

靈州史誤也

邀漢衡更請之丁未漢衡遣判官與吐蕃使者

入奏上為之改勅書

為于偽翻

境土皆如其請

關東河北方用兵不暇與

吐蕃較也

加馬燧魏博招討使

三年春正月河陽節度使李元引兵逼衛州田悅守將

任履虛詐降既而復叛

衛州治汲元居包翻將即亮翻任音壬降户江翻復扶又翻又

音如字

馬燧等諸軍屯于漳濱田悅遣其將王光進築

月城以守長橋

長橋在漳水上月城兩頭抱河形如半月

諸軍不得度燧以

鐵鎖連車數百實以土囊塞其下流

乘繩證翻塞悉則翻按新書燧於長

橋下流以土囊遏之

水淺諸軍涉度時軍中乏糧悅等深壁不戰

燧命諸軍持十日糧進屯倉口與悅夾洹水而軍

洹于元翻

洹水與漳水分流
又在漳水之東

李抱真李芃問曰糧少而深入何也

燧曰糧少則利速戰今三鎮連兵不戰

三鎮謂魏博淄青成德芃居包

翻少始

欲以老我師我若分軍擊其左右悅必救之則

我腹背受敵戰必不利故進軍逼悅所謂攻其所必救

也

兵法有是言

彼苟出戰必為諸君破之

為于偽翻

乃為三橋逾

洹水日往挑戰

挑徒了翻

悅不出燧令諸軍夜半起食潛師

循洹水直趨魏州

令力正翻趨遂喻翻

令曰賊至則止為陳

陳讀曰陣

下同

留百騎擊鼓鳴角於營中仍抱薪持火俟諸軍畢

發則止鼓角匿其旁俟悅軍畢度焚其橋軍行十里所

悅聞之帥淄青成德步騎四萬踰橋掩其後

騎奇寄翻帥讀曰率

乘風縱火鼓譟而進

譟則竈翻

燧按兵不動先除其前草莽

百步為戰場結陳以待之募勇士五千餘人為前列悅

軍至火止氣衰燧縱兵擊之悅軍大敗神策昭義河陽軍

小却

神策李晟軍昭義李抱真軍河陽李元軍

見河東軍捷還鬪又破之

還從

宣翻音如字

又追奔至三橋已焚

三橋即在洹水上者

悅軍亂赴水溺死

不可勝紀斬首二萬餘級捕虜三千餘人尸相枕藉三

十餘里

勝音升枕職任翻藉慈夜翻考異曰實錄閏月庚戌馬燧等破田悅於洹水按舊馬燧傳洹

水之戰李惟岳救兵與田悅兵猶連營相拒又燕南記惟岳見悅在圍故誅歸順然則洹水戰在惟岳死前實錄誤也燕南記又曰燧與抱真雖頻破悅聞李納助軍到乃駐軍候勢畫必取之計去悅軍三十里下營夜坐帳中使心手人潛領悅兵及小將等五千餘人立帳外燧因矯與兵馬衙官已下高語曰昨日所以頻破田悅兵馬者蓋偶然之事本亦不料有此勝也看悅兵雖敗其將健皆能死戰亦天下之強敵矣今更得李納兵助其勢不小我雖頻利利則有鈍他日田悅更戰大將必須審看便宜如悅直進不可當鋒耳悅帳外兵將往往共聞燧語良久曰昨日陣上獲得田悅將健所由領過既至燧大罵曰田悅小賊菽麥未分敢肆猖狂妄動兵馬你有什么所解與我相敵汝皆不自由被驅入陣又何過也今矜汝放去兵等大歡叫拜謝而去具燧前後言

見悅悅召大將喜而謂曰馬燧放言懼我對人罵我此可知矣吾再戰必捷也又恃李納助軍新到乃引兵出洹水又陳燧先伏兵要處佯不勝引退悅使兵盡出逐燧燧引至伏兵處伏兵齊發橫截悅軍兩段與抱真縱兵擊之大破悅軍三悅收餘兵千餘人走魏州走音馬奏萬餘人今從馬燧傳

燧與李抱真不協頓兵平邑浮圖

據舊書田悅傳平邑浮圖在魏州南

佛寺也悅夜至南郭魏州南郭也

大將李長春閉關不內以俟

官軍久之天且明長春乃開門內之悅殺長春嬰城拒

守城中士卒不滿數千死者親戚號哭滿街

將即亮翻號戶刀翻

悅憂懼乃持佩刀乘馬立府門外悉集軍民流涕言曰

悅不肖蒙淄青成德二丈人保薦嗣守伯父業

淄青李正已成

德李寶臣田悅以丈人行事之伯父田承嗣也淄莊持翻嗣祥吏翻

今二丈人即世其子

不得承襲悅不敢忘二丈人大恩不量其力

量音良

輒拒

朝命喪敗至此

朝直遙翻喪息浪翻

使士大夫肝腦塗地皆悅之

罪也悅有老母不能自殺願諸公以此刀斷悅首持出

城降馬僕射

斷音短下各斷同降戶江翻馬僕射謂馬燧射寅謝翻

自取富貴無為

與悅俱死也因從馬上自投地將士爭前抱持悅曰尚

書舉兵徇義非私已也一勝一負兵家之常某輩累世

受恩何忍聞此願奉尚書一戰不勝則以死繼之

尚辰羊翻

悅曰諸公不以悅喪敗而弃之悅雖死敢忘厚恩於地下乃與諸將各斷髮約為兄弟誓同生死悉出府庫所

有及歛富民之財得百餘萬以賞士卒衆心始定

田悅善敗

不亡所謂盜亦有道

復召貝州刺史邢曹俊使之整部伍繕守備

軍勢復振

悅不用邢曹俊見上卷上年復扶又翻又音如字

李納軍於濮陽為

河南軍所逼奔還濮州

考異曰時濮州治郵城別有濮陽縣按九域志濮陽縣東至

濮州九十里濮博木翻

徵援兵於魏州田悅遣軍使符璘將三百

騎送之

使疏吏翻璘離珍翻將即亮翻騎奇寄翻

璘父令奇謂璘曰吾老矣

歷觀安史輩叛亂者今皆安在田氏能久乎汝因此弃

逆從順是汝揚父名於後世也齧臂而別璘遂與其副李

瑤帥衆降於馬燧

齧魚結翻帥讀日率降戶江翻

悅收族其家令奇慢

罵而死瑤父再春以博州降悅從兄昂以洺州降

從才用翻

洺音名

王光進以長橋降悅入城旬餘日馬燧等諸軍始

至城下攻之不克丙寅李惟岳遣兵與孟祐守東鹿

東鹿本鹿城縣安祿山反玄宗改縣為東鹿以厭之屬深州九域志在州西四十五里宋白曰東鹿縣本漢西

梁縣地今縣南六十里有西梁故城尚存朱滔張孝忠攻拔之進圍深州惟

岳憂懼掌書記邵真復說惟岳密為表先遣弟惟簡入

朝

復扶又翻說式芮翻朝直遙翻

然後誅諸將之不從命者身自入朝

使妻父冀州刺史鄭誵權知節度事以待朝命惟簡既

行孟祐知其謀密遣告田悅悅大怒使衙官扈岌往見

惟岳讓之曰尚書舉兵正為大夫求旌節耳

事始見上卷二年岌

魚及翻尚辰羊翻為于偽翻下非為相為同

非為已也今大夫乃信邵真之

言遣弟奉表悉以反逆之罪歸尚書自求雪身尚書何

負於大夫而至此邪

尚辰羊翻邪音耶

若相為斬邵真則相待

如初不然當與大夫絕矣判官畢華言於惟岳曰田尚書

以大夫之故陷身重圍

為于季翻重直龍翻

大夫一旦負之不義

甚矣且魏博淄青兵彊食富足抗天下事未可知奈何

遽為二三之計乎惟岳素怯不能守前計乃引邵真對

扈岌斬之

淄莊持翻岌魚及翻

發成德兵萬人與孟祐俱圍東鹿

丙寅朱滔張孝忠與戰於東鹿城下惟岳大敗燒營而

遁

考異曰實錄及舊惟岳傳止言惟岳一敗按滔傳曰滔與孝忠征之大破惟岳於東鹿滔命偏師守東

鹿進圍深州惟岳乃統萬餘衆及田悅援兵圍束鹿惟岳將王武俊以騎三千方陳橫進滔續帛為狻猊象使猛士百人蒙之鼓譟奮馳賊馬驚亂隨擊大破之惟岳焚營而遁據此則是惟岳再敗也燕南記孟祐先敗惟岳又敗與滔傳相應今從之

兵馬使王武俊為左右所構惟岳疑之

惜其才未忍除也束鹿之戰使武俊為前鋒私自謀曰

我破朱滔則惟岳軍勢大振歸殺我必矣故戰不甚力

而敗朱滔欲乘勝攻恒州

使疏吏翻恒戶登翻

張孝忠引軍西北

軍于義豐

義豐縣屬定州

滔大驚孝忠將佐皆怪之孝忠曰

恒州宿將尚多未易可輕

將即亮翻易以鼓翻

迫之則并力死鬪

緩之則自相圖諸君第觀之吾軍義豐坐待惟岳之殄

滅耳且朱司徒言大而識淺可與共始難與共終也朱滔

後卒如張孝忠所料於是滔亦屯東鹿不敢進惟岳將康日知以

趙州歸國惟岳益疑王武俊武俊甚懼或謂惟岳曰先

相公委腹心於武俊先相公謂李寶臣相息亮翻使之輔佐大夫又有

骨肉之親謂武俊子士真壻於李氏武俊勇冠三軍今危難之際復

加猜阻若無武俊欲使誰為大夫却敵乎冠古玩翻復扶

又翻為惟岳以為然乃使步軍使衛常寧與武俊共擊于偽翻

趙州又使王士真將兵宿府中以自衛

將即亮翻又音如字

癸

未蜀王遂更名遡

更工衡翻

淮南節度使陳少遊拔海密

二州李納復攻陷之

使疏更翻少始照翻復扶又翻又音如字下不復同

王武

俊既出恒州謂衛常寧曰武俊今幸出虎口不復歸矣

當北歸張尚書

恒戶登翻尚辰羊翻張尚書謂張孝忠也

常寧曰大夫暗弱

信任左右觀其勢終為朱滔所滅今天子有詔得大夫

首者以其官爵與之中丞素為衆所服與其出亡曷

若倒戈以取大夫轉禍為福特反掌耳事苟不捷歸張

尚書未晚也武俊深以為然會惟岳使要籍謝遵至

趙州城下

要籍官亦唐時節度衙前之職中宗景雲二年解琬為朔方大總管分遣隨軍要籍官河

陽丞張冠宗肥鄉令韋景駿普安令于處忠校料三城兵募則唐邊鎮有要籍官尚矣又據新書忠義傳朱泚統幽州行營為涇原鳳翔節度使詔蔡廷玉以大理少卿為司馬朱體微為要籍則要籍乃節度使之腹心也

朱滔王武俊之相王改要籍官曰丞令

武俊引遵同謀取惟岳遵還密告

王士真閏月甲辰武俊常寧自趙州引兵還襲惟岳

還從宣翻又音如字

遵與士真矯惟岳命啟城門納之黎明武俊

帥數百騎突入府門

帥讀曰率騎奇寄翻

士真應之於內殺十餘

人武俊令曰大夫叛逆將士歸順敢違拒者族衆莫敢

動遂執惟岳收鄭誅畢華王它奴等皆殺之

令力定翻將即亮翻

誅踈臻翻

武俊以惟岳舊使之子

李寶臣已死故曰舊使使疏吏翻

欲生送

之長安常寧曰彼見天子將復以叛逆之罪歸咎於中

丞

復扶又翻下復權同又音如字中丞謂王武俊

乃縊殺之

縊於賜翻又於計翻

傳首京

師

卒如谷從政之言代宗廣德元年李寶臣帥成德凡二世十九年而滅

深州刺史楊榮

國惟岳姊夫也降於朱滔滔使復其位

姊蔣兕翻降戶江翻

復

權天下酒惟西京不權

罷權酒見二百二十五卷大歷十四年七月權古岳翻

二月戊午李惟岳所署定州刺史楊政義降時河北略

定惟魏州未下河南諸軍攻李納於濮州

濮博木翻濮州治鄆城縣

納勢日蹙朝廷謂天下不日可平甲子以張孝忠為易

定滄三州節度使

朝直遙翻使疎吏翻

王武俊為恒冀都團練觀

察使康日知為深趙都團練觀察使以德棣二州隸朱

滔令還鎮滔固請深州不許由是怨望留屯深州

朱滔討李

惟岳再戰再勝及瓜分成德巡屬以賞降將尺寸之地滔不預焉又欲使之取德棣此左氏所以知桓王之失

也鄭王武俊素輕張孝忠自以手誅李惟岳功在康日知

上而孝忠為節度使已與康日知俱為都團練使又失

趙定二州亦不悅又詔以糧三千石給朱滔馬五百匹

給馬燧武俊以為朝廷不欲使故人為節度使

王武俊恒州舊

將故云然魏博既下必取恒冀故分其糧馬以弱之疑未肯

奉詔田悅聞之遣判官王侑許士則間道至深州說朱

滔曰司徒奉詔討李惟岳旬朔之間拔東鹿下深州惟

岳勢蹙

間古覓翻說式芮翻下說王人說同蹙與蹙同

故王大夫因司徒勝勢

得以梟惟岳之首此皆司徒之功也又天子明下詔書

臬堅堯翻
下遐嫁翻

令司徒得惟岳城邑皆隸本鎮今乃割深州

以與日知是自弃其信也且今上志欲掃清河朔不使

藩鎮承襲將悉以文臣代武臣魏亡則燕趙為之次矣

令力丁翻
燕因度翻

若魏存則燕趙無患然則司徒果有意矜魏

博之危而救之非徒得存亡繼絕之義亦子孫萬世之

利也

同舟遇風則胡越可使相救是以善用兵者必先離其交

又許以貝州賂滔

貝州

魏博巡屬

滔素有異志聞之大喜即遣王侑歸報魏州使將

士知有外援各自堅又遣判官王郅

將即亮翻

考異曰舊傳王郅作王

郢今從燕南記

與許士則俱詣恒州說王武俊曰大夫出萬死

之計誅逆首拔亂根

謂誅李惟岳也

康日知不出趙州豈得與

大夫同日論功而朝廷褒賞略同誰不為大夫憤邑者

朝直遙翻為于偽翻

今又聞有詔支糧馬與鄰道朝廷之意蓋以

大夫善戰恐為後患先欲貧弱軍府俟平魏之日使馬

僕射北首

射寅謝翻馬僕射謂馬燧時攻魏州首式又翻

朱司徒南向共相滅

耳朱司徒亦不敢自保使郅等效愚計欲與大夫共救

田尚書而存之

尚辰羊翻田悅拒命宜削官而當時猶稱其朝銜可以見朝命之重

大夫

自留糧馬以供軍朱司徒不欲以深州與康日知願以

與大夫請早定刺史以守之三鎮連兵

此三鎮謂范陽恒冀魏博若

耳目手足之相救則它日永無患矣武俊亦喜許諾

利害

同故說之易入

即遣判官王巨源使於滔

使疏吏翻

且令知深州事

令力丁翻

相與刻日舉兵南向滔又遣人說張孝忠孝忠不

從

說武芮翻

宣武節度使劉洽攻李納於濮州克其外城

納於城上涕泣求自新李勉又遣人說之癸卯納遣其

判官房說以其母弟經及子成務入見

說式芮翻見賢遍翻房說讀曰

悅通鑑本文作癸卯然自上文二月戊午推至
下文三月乙未其間不容有癸卯當作己卯會中使

宋鳳朝稱納勢窮蹙不可捨上乃因說等於禁中納遂

歸鄆州復與田悅等合

使疏更翻朝直遙翻鄆音
運復扶又翻又音如字

朝廷

以納勢未衰三月乙未始以徐州刺史李洧兼徐海沂

都團練觀察使海沂已為納所據洧竟無所得

洧于軌
翻史言

帝銳意削平藩鎮而不
能應機撫接以自遺患

李納之初反也其所署德州刺

史李西華備守甚嚴都虞候李士真密毀西華於納納

召西華還府以士真代之士真又以詐召棣州刺史李

長卿長卿過德州士真劫之與同歸國夏四月戊午以

士真長卿為二州刺史

德州治安德縣棣州治厭次縣本皆淄青巡屬今皆歸國棣大

計翻長知丈翻 考異曰燕南記云授士真德棣兩州觀察團練使今從實錄

士真求援於朱

滔滔已有異志遣大將李濟時將三千人聲言助士真

守德州且召士真詣深州議軍事至則留之使濟時

領州事

將即亮翻時將音同上又音如字德宗以德棣與朱滔滔卒以詐力得之不知又以為王武俊

之資也

庚申吐蕃歸邠日所俘掠兵民八百人

自吐蕃陷河隴

入京師俘掠唐人可以數計邪德宗先歸所俘者以懷之其歸向日所俘者八百人而已狼子野心姑以此報

塞中國其志果如何哉觀異日平涼劫盟之事可見也吐從毆入聲

上遣中使發盧龍

恒冀易定兵萬人

盧龍朱滔恒冀王武俊易定張孝忠使疎吏翻恒戶登翻

詣魏州

討田悅王武俊不受詔執使者送朱滔滔言於衆曰將

士有功者吾奏求官勲皆不遂

將即亮翻唐制官有品勲有級

今欲與

君敕裝

敕與飭同飭治也

共趨魏州

趨遂諭翻

擊破馬燧以取溫飽

何如皆不應三問乃曰幽州之人自安史之反從而南

者無一人得還今其遺人痛入骨髓

還從宣翻又音如字髓息委翻

况

太尉司徒皆受國寵榮

太尉謂滔兄

將士亦各蒙官勲誠且

顧保目前不敢復有僥冀

復扶又翻
下俊復同

滔默然而罷乃誅

大將數十人厚撫循其士卒康日知聞其謀以告馬燧

燧以聞上以魏州未下王武俊復叛力未能制滔壬戌

賜滔爵通義郡王冀以安之

眉州通義郡

滔反謀益甚分兵

營於趙州以逼康日知

將即亮翻又音如
字趙州治平棘縣

以深州授王

巨源

朱滔如前約
以結王武俊

武俊以其子士真為恒冀深三州留

後將兵圍趙州

恒戶登翻將即
亮翻又音如字

涿州刺史劉怦

代宗大
歷四年

朱希彩表分幽州之范陽歸義固安置涿州治范
陽縣距幽州一百二十里涿竹角翻怦普耕翻

聞滔

欲救田悅以書諫之曰今昌平故里朝廷改為太尉鄉

司徒里此亦丈夫不朽之名也

朝直遙翻朱泚朱滔本昌平人朝廷以其官名

其鄉里以寵其兄弟之功

但以忠順自持則事無不濟竊思近日務

大樂戰

樂音洛

不顧成敗而家滅身屠者安史是也怵忝密

親默而無告是負重知惟司徒圖之無貽後悔滔雖不

用其言亦嘉其盡忠卒無疑貳滔將起兵恐張孝忠為

後患復遣牙官蔡雄往說之孝忠曰昔者司徒發幽州

遣人語孝忠曰

卒子恤翻復扶又翻說式丙翻下解說同語牛倨翻

李惟岳負恩

為逆謂孝忠歸國即為忠臣孝忠性直用司徒之教今

既為忠臣矣不復助逆也

復扶又翻又音如字

且孝忠與武俊皆

出夷落

張孝忠本奚乞失活種王武俊出契丹怒皆部

深知其心最喜翻覆

許喜

既翻

司徒勿忘鄙言它日必相念矣

其後滔武俊交惡果如孝忠之言

雄

復欲以巧辭說之

復扶又翻下復以同

孝忠怒欲執送京師雄懼

逃歸滔乃使劉怦將兵屯要害以備之

怦普耕翻將即亮翻又音如字

下文滔將同

孝忠完城礪兵獨居彊寇之間莫之能屈滔將

步騎二萬五千發深州至東鹿詰旦將行

騎奇寄翻詰起吉翻

吹

角未畢士卒忽大亂喧譟曰天子令司徒歸幽州奈何

違勅南救田悅

譟則竈翻令力
丁翻下旨令同

滔大懼走入驛後堂避

匿蔡雄與兵馬使宗頊等矯謂士卒曰汝輩勿喧聽司

徒傳令衆稍止

使疏吏翻頊吁
王翻令力定翻

雄又曰司徒將發范陽

恩旨令得李惟岳州縣即有之司徒以幽州少絲續故

與汝曹竭力血戰以取深州冀得其絲續以寬汝曹賦

率

少詩沼翻續苦謗翻細
綿也賦率猶言賦歛也

不意國家無信復以深州與

康日知又朝廷以汝曹有功賜絹人十匹至魏州西境

盡為馬僕射所奪

復扶又翻又音如字朝直
遙翻下各還同射寅謝翻

司徒但處

范陽富貴足矣今茲南行乃為汝曹非自為也

處昌呂
翻為于

偽翻下行
為不為同

汝曹不欲南行任自歸北何用喧悖

悖蒲昧
翻又蒲

沒翻

乖失軍禮衆聞言不知所為乃曰敕使何得不為軍

士守護賞物遂入敕使院擘裂殺之

軍中別置館舍以
居敕使謂之敕使

院使疏
吏翻

又呼曰雖知司徒此行為士卒終不如且奉詔

歸鎮

呼火
故翻

雄曰然則汝曹各還部伍詰朝復往深州休

息數日相與歸鎮耳衆然後定滔即引軍還深州密令

諸將訪察唱率為亂者得二百餘人悉斬之

詰去吉翻復音如字

令力丁翻將即亮翻餘衆股栗乃復引軍而南衆莫敢前却

呼火故翻

復扶又翻又音如字觀田庭玠之諫田悅谷從政邵真

之諫李惟岳范陽之兵不肯從朱滔南救魏州河朔三

鎮之人宣皆好亂哉進取寧晉寧晉縣屬趙州本瘞陶縣天寶元年更名也九

域志云在趙州南四十一里留屯以待王武俊武俊將步騎萬五千

取元氏元氏縣漢為常山郡治後魏屬趙郡唐屬趙州將即亮翻又音如字東趣寧晉趣七

喻翻宋白曰寧晉漢楊氏縣也後漢為瘞陶侯國後魏

為瘞陶縣唐天寶元年改寧晉縣九域志寧晉縣在趙

州東南四十一里武俊之始誅李惟岳也遣判官孟華入見賢

通鑑 華性忠直有才略應對慷慨上悅以為恒冀團練副

使

懷苦廣翻
恒戶登翻

會武俊與朱滔有異謀上遽遣華歸諭旨

華至武俊已出師華諫曰聖意於大夫甚厚苟盡忠義

何患官爵之不崇土地之不廣不日天子必移康中丞

於宅鎮

康中丞謂
康日知

深趙終為大夫之有何苦遽自同於

逆亂乎異日無成悔之何及華鄉在李寶臣幕府以直

道已為同列所忌至是為副使同列尤疾之言於武俊

曰華以軍中陰事奏天子請為內應故得超遷是將覆

大夫之車大夫宜備之武俊以其舊人不忍殺奪職使

歸私第田悅恃援兵將至遣其將康愔將萬餘人出城

西與馬燧等戰於御河上

將即亮翻愔於今翻愔將音同上又音如字燧音遂御河

即隋煬帝所開永濟渠也開元二十八年魏州刺史盧暉徙永濟渠自石灰窰引流至城西注魏橋以通江淮

之貨杜佑曰御河在魏州魏縣煬帝引白溝水為永濟渠即此

大敗而還

還從宣翻又音如字考

異曰悅傳曰悅以救軍將至盡率其衆出戰于御河之上大敗而還燧傳曰悅恃燕趙之援又出兵二萬背城

而陳燧復與諸軍擊破之今從實錄

時兩河用兵月費百餘萬緡

緡眉巾翻

府庫不支數月太常博士韋都賓陳京建議以為貨利

所聚皆在富商請括富商錢出萬緡者借其餘以供軍

計天下不過借一二千商則數年之用足矣上從之甲子

詔借商人錢令度支條上

度徒洛翻
上時掌翻

判度支杜佑大索

長安中商賈所有貨意其不實輒加榜捶人不勝苦有

縊死者

索山客翻
賈音古榜音彭捶止崇
翻勝音升縊於賜翻又於計翻

長安囂然如

被寇盜

囂五羔翻
又許
翻翻被皮義翻

計所得纔八十餘萬緡又括僦

櫃質錢

民間以物質錢異時贖出於母錢之
外復還子錢謂之僦櫃僦即就翻

凡蓄積錢

帛粟麥者皆借四分之一封其櫃窖

蓄錢帛者以櫃積
粟麥者以窖窖古

教

百姓為之罷市

為于偽翻

相帥遮宰相馬自訴以千萬數

帥讀曰率

盧杞始慰諭之勢不可遏乃疾驅自他道歸計并

借商所得纔二百萬緡

考異曰實錄借商統計田宅奴婢等估纔餘八萬貫今從舊

盧杞傳杞傳又曰杜佑計京師帑廩不支數月且得五

百萬貫可支半歲用則兵濟矣於是戶部侍郎判度支

趙贊與韋都賓等謀行括借約罷兵後以公錢還勅既

下京兆少尹韋貞督責頗峻長安尉薛莘荷校乘車搜

人財貨計富戶田宅奴婢等估纔及八十八萬人已竭

矣京叔明之五世孫也

陳叔明陳宣帝子封宜都王

甲戌以昭義

節度副使磁州刺史盧玄卿為洺州刺史兼魏博招討

副使

使疏吏翻磁牆之翻洛音名

初李抱真為澤潞節度使馬燧領

河陽三城抱真欲殺懷州刺史楊鉢鉢奔燧

鉢時

燧納

之且奏其無罪抱真怒及同討田悅數以事相恨望二

人怨隙遂深不復相見由是諸軍逗撓久無成功

數所

下上數同復扶又翻逗者逗留不進勢屈為撓撓奴教翻

上數遣中使和解之

數所

使疏吏翻

及王武俊逼趙州抱真分麾下二千人戍邢州燧

大怒曰餘賊未除宜相與勦力乃分兵自守其地欲引

兵歸李晟說燧曰李尚書以邢趙連壤

九域志趙州南至邢州界七十

四里自界首至邢州七十里
晟 成正翻說式芮翻尚辰羊翻

分兵守之誠未有害今

公遽自引去衆謂公何燧悅乃單騎造抱真壘

騎奇寄翻造七

到翻

相與釋憾結歡會洛州刺史田昂請入朝燧奏以洛

州隸抱真

洛州自此遂屬昭義
洛音名朝直遙翻

請玄卿為刺史兼充招

討之副李晟軍先隸抱真又請兼隸燧以示協和上皆

從之

晟成正翻
燧音遂

盧龍節度行軍司馬蔡廷玉惡判

官鄭雲逵奏貶莫州參軍雲逵妻朱滔之女也滔復奏

為掌書記

惡鳥路翻復扶
又翻又音如字

雲逵深構廷玉於滔廷玉又

與檢校大理少卿朱體微言於泚曰

蔡廷玉朱體微皆事朱泚者也校古

孝翻少始照翻

滔在幽鎮事多專擅其性非長者不可以兵權

付之滔知之大怒數與泚書請殺二人者

長知文翻數所角翻

泚

不從由是兄弟頗有隙及滔拒命上欲歸罪於廷玉等

以悅滔甲子貶廷玉柳州司戶體微萬州南浦尉

柳州漢潭

州縣地唐置柳州以分野當柳星之下而名去京師水陸相乘五千四百七十里萬州治南浦縣春秋夔國之

地秦漢為胸臆縣地後周置萬川郡唐置萬州以郡為稱京師西南一千六百二十四里

宣武節

度使劉洽攻李納之濮陽降其守將高彥昭

使疏吏翻濮博木翻

降戶江翻
將即亮翻

朱滔遣人以蠟書置髻中遺朱泚

遺唯李翻

欲

與同反馬燧獲之并使者送長安泚不之知上驛召泚於鳳翔至以蠟書并使者示之泚惶恐頓首請罪上曰

相去千里初不同謀非卿之罪也因留之長安私第

大憲

九年朱泚請入朝代宗為之築大第於京師事見二百二十五卷考異曰幸奉天錄云上命還私第但絕朝謁日給酒肉而已以內侍一人監之今從實錄及舊傳賜名園腴田錦綵金銀甚

厚以安其意其幽州盧龍節度太尉中書令並如故

為朱

泚失兵權乘時逆上張本

上以幽州兵在鳳翔

幽州兵朱泚所將以入朝防秋者

思

得重臣代之盧杞忌張鎰忠直為上所重欲出之於外

已得專總朝政

鎰弋質翻朝直遙翻

乃對曰朱泚名位素崇鳳翔

將校班秩已高非宰相信臣無以鎮撫臣請自行上俛

首未言

泚且禮翻又音此將即亮翻校戶教翻相息亮翻俛音免

杞又曰陛下必以

臣貌寢不為三軍所伏

貌不揚曰寢

固惟陛下神算上乃顧

鎰曰才兼文武望重內外無以易卿鎰知為杞所排而

無辭以免因再拜受命戊寅以鎰兼鳳翔尹隴右節度等

使

為張鎰為李楚琳所殺張本

初盧杞與御史大夫嚴郢共構楊炎

趙惠伯之獄

事見上二年

炎死杞復忌郢

復扶又翻

會蔡廷玉等

貶官殿中侍御史鄭詹誤遞文符至昭應送之廷玉等

行已至藍田召還而東

還從宣翻又音如字

廷玉等以為執已送

朱滔至靈寶西赴河死

靈寶縣屬陝州古桃林地漢為弘農縣開元末改為靈寶縣弘

農縣故城在今縣西南二十里

上聞之駭異盧杞因奏朱泚必疑以為

詔旨請遣三司使案詹

此謂遣兩省官及御史臺官為三司使使案詹等獄使疎吏翻

又言御史所為必稟大夫請并郢案之獄未具壬午杞

奏杖殺詹於京兆府貶郢費州刺史

費州治涪州江岸因州界費水為名

舊志費州京師南四千七百里費扶未翻

考卒於貶

異曰舊盧杞傳云貶郾驪州刺史今從舊傳

所

卒子恤翻

上初即位崔祐甫為相務崇寬大故當時政聲

藹然以為有貞觀之風

相息亮翻觀古玩翻

及盧杞為相知上性

多忌因以疑似離間羣臣

間古覓翻

始勸上以嚴刻御下中

外失望淮南節度使陳少遊奏本道稅錢每千請增

二百

使疏吏翻少始照翻舊志淮南道督楊滌常潤和宣歙七州此貞觀中之制也以今觀之唐中世以

後當統楊楚滌和濠廬壽光蕲黃申安舒等州稅錢謂田稅及商稅錢也五月丙戌詔增它

道稅錢皆如淮南又鹽每斗價皆增百錢

鹽每斗價幾何而頓增百

錢人誰堪之

朱滔王武俊自寧晉南救魏州

是年四月滔武俊進屯寧

晉辛卯詔朔方節度使李懷光將朔方及神策步騎萬

五千人東討田悅且拒滔等

將即亮翻又音如字騎奇寄翻

滔行至宗

城掌書記鄭雲逵參謀田景仙弃滔來降

宗城縣屬魏州漢廣宗縣

地降戶江翻

丁酉加河東節度使馬燧同平章事

辛亥

置義武軍節度於定州以易定滄三州隸之

以命張孝忠

張光晟之殺突董也

事見上卷元年晟成正翻

上欲遂絕回紇召冊

可汗使源休還太原久之乃復遣休送突董及翳密施

大小梅錄等四喪還其國

統下沒翻可從列入聲汗音寒還從宣翻又音如字下同

復扶又翻

可汗遣其宰相頡子斯迦等迎之頡子斯迦坐大

帳

新書回鶻傳作頡于迦相息亮翻頡奚結翻迦求加翻

立休等於帳前雪中詰

以殺突董之狀欲殺者數四供待甚薄留五十餘日乃

得歸可汗使人謂之曰國人皆欲殺汝以償怨我意則

不然汝國已殺突董等我又殺汝如以血洗血汚益甚

耳

詰去吉翻汚烏故翻

今吾以水洗血不亦善乎唐負我馬直百

八十萬匹當速歸之遣其散支將軍康赤心隨休入見

見賢
通翻

休竟不得見可汗而還

還從宣翻
又音如字

已邠至長安詔

以帛十萬匹金銀十萬兩償其馬直休有口辯盧杞恐

其見上得幸乘其未至先除光祿卿

為源休以賞薄怨
望從朱泚反張本

朱滔王武俊軍至魏州田悅具牛酒出迎魏人懽呼

動地

呼火
故翻

滔營於愜山是日李懷光軍亦至馬燧等盛

軍容迎之滔以為襲已遽出陳懷光勇而無謀欲乘其
營壘未就擊之燧請且休將士觀釁而動懷光曰彼營
壘既立將為後患此時不可失也遂擊滔於愜山之西

魏氏土地記曰渤海高城縣東北五十里有篋山余按此恆山當在魏州界近永濟渠陳讀曰陣燧音遂將即

亮翻豐許覲
翻恆詰叶翻

殺步卒千餘人滔軍崩沮

沮在
呂翻

懷光按轡

觀之有喜色士卒爭入滔營取寶貨王武俊引二千騎

橫衝懷光軍軍分為二滔引兵繼之官軍大敗蹙入永

濟渠溺死者不可勝數人相蹈藉其積如山水為之不

流

騎奇寄翻溺奴狄翻
勝音升為于偽翻

馬燧等各收軍保壘是夕滔等

堰永濟渠入王莽故河

酈道元曰漢溝洫志云河為中國害尤甚故禹導河自積石歷

龍門驪二渠以引河一則漯川今河所流也一則北瀆王莽時絕故世俗名是瀆為王莽河

絕官軍

糧道及歸路明日水深三尺餘

深式禁翻

馬燧懼遣使卑辭

謝滔求與諸節度歸本道奏天子請以河北事委五郎

處之

使疏吏翻朱滔第五故稱之為五郎若尊之然處昌呂翻

滔欲許之王武俊以

為不可滔不從秋七月燧與諸軍涉水而西退保魏縣

以拒滔

九域志魏縣在魏州城西三十五里

滔乃謝武俊武俊由是恨滔

後數日滔等亦引兵營魏縣東南與官軍隔水相拒

考

異曰實錄六月辛巳朱滔王武俊兵至魏州是日李懷光之師亦至七月庚子馬燧等四節度兵退保魏縣又曰田悅等築堰欲決御河水灌王莽故河以絕我糧道燧令白懷光欲退軍懷光不可抱真晟亦欲決死守之

賊築堰愈急勢迫會夜乃俱引退燕南記曰六月朱滔武俊懷光俱至懷光即欲戰馬燧抱真不得已從之七月六日懷光等擊滔勝之尋為王武俊所敗其夜決河水絕懷光等西歸之路明日水深三尺餘馬燧與朱滔有外族之親呼滔為表侄使人說滔曰老夫不度氣力與李相公等昨日先陳王大夫善戰海內所知也司徒五郎與商議放老夫等却歸太原諸節度亦各歸本道當為聞奏河北地任五郎收取滔見武俊戰勝私心忌其勝已乃謂武俊曰大夫二兄破懷光等氣已沮喪馬司徒既屈服如此且放去漸圖未晚武俊曰豈有四五節度兵逾十萬使打賊始經一陣被殺却五萬人將何面目歸見天子今窮蹙詐求退去料不過到涪州界必築壘相待悔難及也滔心明知其事竟絕水放燧等既離魏府城下退行三十里遂連魏縣河列營相拒滔雖慙謝武俊終有恨意又同進軍魏橋河東南去懷光營五里移營在七月中旬也郊志曰三年夏詔懷光率郊

甲五千兼統諸軍東征六月師及魏郭戰焉陷燕人之
衆師入賊營收其寶貨馬公燧曰我二年因此賊彼旦
至而夕破之人其為我何乃稍抽戰卒以孤其勢田悅
曰馬太原妬功也朔方軍可襲矣乃使步卒七百人負
刀而趨乘我失度擠之于河死者數百人皆精騎也馬
公遽命平射三百人爭橋以出我軍故步軍不敗軍勢
大勦詔唐朝臣自河南引軍會之舊田悅傳曰王武俊
以二千騎橫擊懷光陳滔軍繼踵而進禁軍大敗人相
蹈藉投尸于河二十里河水為之不流馬燧收軍保壘
是夜王武俊決河水入王莽故河欲隔官軍水已深三
尺糧餉路絕王師計無從出乃遣人告朱滔云云時武
俊戰勝滔心忌之即曰大夫二凡已敗官軍馬司徒卑
屈若此不宜迫人於險也武俊曰燧等連兵十萬皆是
國之名臣一戰而北貽國之耻不知此等何面目見天
子邪然吾不惜放還但不行五十里必反相拒按長歷六
月壬子朔七月壬午朔然則辛巳六月三十日庚子七

月十九日也滔與懷光至魏之日滔營壘猶未立懷光即與之戰豈得至七月六日邪戰于湫山之夜武俊決水明日燧等即退保魏縣豈得至十九日邪實錄燕南記所載日皆不可據也然實錄多據奏到之日不知戰與移營的在何日要之必在六七月之際故但記七月退保魏縣耳朱滔與王武俊同舉兵志在破馬燧軍豈有一戰纔勝遽忌武俊縱燧令去自貽後患邪直是滔無遠識謂燧等不足畏得其卑辭而縱去邪又舊悅傳云決河水若決黃河不須築堰決水經日不止三尺既決之後不可復壅今從實錄決御河水灌王莽河耳

李納求救於滔等滔遣魏博兵馬使信都承慶將兵

助之納攻宋州不克遣兵馬使李克信李欽遙戍濮陽

南華以拒劉洽

使疏吏翻將即亮翻又音如字濮博木翻濮陽縣時屬濮州南華縣屬曹州漢

離狐縣也

甲辰以淮寧節度使李希烈兼平盧淄青兗鄆

登萊齊州節度使討李納又以河東節度使馬燧兼魏

博澶相節度使加朔方邠寧節度使李懷光同平章事

前此改淮西節度為淮寧軍鄆音運燧音遂澶時連翻相息亮翻邠旻旻翻

神策行營招

討使李晟請以所將兵北解趙州之圍與張孝忠合勢

圖范陽上許之晟自魏州引兵北趨趙州

晟成正翻將即亮翻又音

如字趨

王士真解圍去晟留趙州三日與孝忠合兵北

略恒州

恒戶登翻

演州司馬李孟秋舉兵反

演州漢成驪縣之地唐武

德初置驪州貞觀九年改曰濱州十六年省改
咸驪為懷驪屬驪州廣德二年分驪州復置
自稱安

南節度使安南都護輔良交討斬之
新書方鎮表乾元元年升安南營內

經略使為安南節度使
八月丁未置汴東西水陸運兩稅鹽鐵

使二人度支總其大要而已
汴皮變翻度徒洛翻辛酉以涇原

留後姚令言為節度使盧杞惡太子太師顏真卿欲

出之於外
惡鳥路翻真卿謂杞曰先中丞傳首至平原
中丞謂杞

父爽也事見二百一
十七卷天寶十四載真卿以舌舐面血
舐直氏翻今相公忍

不相容乎杞矍然起拜然恨之益甚九月癸卯殿中

少監崔漢衡自吐蕃歸

去年崔漢衡使吐蕃

贊普遣其臣區頰贊

隨漢衡入見

見賢通翻

冬十月辛亥以湖南觀察使曹王

臯為江南西道節度使臯至洪州悉集將佐簡閱其才

得牙將伊慎王錡等擢為大將引荆襄判官許孟容置

幕府慎兗州人孟容長安人也慎常從李希烈討梁崇

義希烈愛其才欲留之慎逃歸希烈聞臯用慎恐為已

患遺慎七屬甲

遺唯李翱周禮函人為甲犀甲七屬鄭注云屬讀如灌注之注謂上旅下旅扎

屬之數詐為復書墜之境上上聞之遣中使即軍中斬

凡七也

慎臯為之論雪

臯為于偽翻

未報會江賊三千餘衆入寇

江賊

江中羣盜也自湖口入寇江南西道

臯遣慎擊賊自贖慎擊破之斬首數

百級而還由是得免

盧杞秉政知上必更立相

相息亮翻

恐其分已權乘間薦吏部侍郎闕播儒厚可以鎮風俗

間古莧翻

丙辰以播為中書侍郎同平章事

考異曰舊播傳曰播為吏部

侍郎轉刑部尚書十月拜銀青光祿大夫中書侍郎同中書門下平章事今實錄自吏部侍郎為相與傳不同

疑傳誤明年罷相乃改刑部尚書

政事皆決於杞播但斂衽無所可否

上嘗從容與宰相論事播意有所不可起立欲言杞目

之而止還至中書杞謂播曰以足下端慙少言故相引

至此邠者奈何發口欲言邪播自是不復敢言

從千容翻少詩

沼翻復扶又翻

戊辰遣都官員外郎樊澤使于吐蕃告以結

盟之期

丙子肅王詳薨

詳皇子也

十一月己卯朔加淮

南節度使陳少遊同平章事田悅德朱滔之救與王

武俊議奉滔為主稱臣事之滔不可曰愜山之捷皆大

夫二兄之力

二兄謂王武俊也武俊第二

滔何敢獨居尊位於是幽州

判官李子恒冀判官鄭濡等

考異曰舊傳作李子牟鄭儒今從燕南記

共

議請與鄆州李大為四國

鄆州李大為
謂李納也

俱稱王而不

改年號如昔諸侯奉周家正朔築壇同盟有不如約者

衆共伐之不然豈可常為叛臣茫然無主用兵既無名

有功無官爵為賞使將吏何所依歸乎滔等皆以為然

滔乃自稱冀王田悅稱魏王王武俊稱趙王仍請李納

稱齊王是日滔等築壇於軍中告天而受之

考異曰實錄於十一

月末云是月朱滔僭稱大冀王燕南記云十月十一日
於下營處各築壇塲設儀注告天稽首稱名同日偽立
為王舊本紀朱滔王武俊傳皆云十一月
而無日惟田悅傳云十一月一日今從之
滔為盟主稱

孤武俊悅納稱寡人所居堂曰殿處分曰令

處昌呂翻
分扶問翻

令力定翻羣下上書曰牋妻曰妃長子曰世子各以其所治

州為府置留守兼元帥以軍政委之又置東西曹視中

書門下省左右內史視侍中中書令餘官皆倣天朝而

易其名武俊以孟華為司禮尚書華竟不受嘔血死上時

掌翻長知文翻守式又翻帥所類翻司
禮尚書視天朝禮部尚書朝直遙翻

以兵馬使衛常

寧為內史監

彼所謂內史監當位于左
右內史之上使疏吏翻

委以軍事常寧

謀殺武俊武俊腰斬之武俊遣其將張終葵寇趙州康

日知擊斬之

將即亮翻

李希烈帥所部三萬徙鎮許州遣所

親詣李納與謀共襲汴州

帥讀曰率汴皮變翻九域志許州東至汴州二百一十五

里遣使告李勉云已兼領淄青欲假道之官勉為之治

橋具饌以待之

為于偽翻淄莊持翻治直之翻饌離戀翻又離皖翻

而嚴為之備

希烈竟不至又密與朱滔等交通納亦數遣遊兵度汴

以迎希烈

數所角翻

由是東南轉輸者皆不敢由汴渠自蔡

水而上

蔡河古之琵琶溝在浚儀縣杜佑曰漢運路出浚儀十里路入琵琶溝至陳州而合宋白曰建

中初杜佑改漕路自浚儀西十里路其南涯引流入琵琶溝經蔡河至陳州合潁是秦漢故道自隋開汴河利

涉揚楚故官漕不復由此
道佑始開之上時掌翻

十二月丁丑李希烈自稱

天下都元帥太尉建興王時朱滔等與官軍相拒累月
官軍有度支饋糧諸道益兵而滔與王武俊孤軍深入

專仰給於田悅

度徒洛翻
仰牛向翻

客主日益困弊

客謂滔武俊
之軍主謂田

悅聞李希烈軍勢甚盛頗怨望乃相與謀遣使詣許州

勸希烈稱帝希烈由是自稱天下都元帥

使疎吏翻
帥所類翻

司天少監徐承嗣請更造建中正元歷從之

乾元元年
改太史局

為司天臺以令為監正三品少監正四品上掌察天文
稽歷數凡日月星辰風雲氣色之異率其屬占之肅宗

時韓穎損益大衍歷為至德歷寶應元年代宗以至德
歷不與天合詔司天臺官屬郭獻之等復用麟德元紀
更立歲差增損遲疾交會及五星差數以寫大衍術曰
五紀歷至是五紀歷氣朔加時稍後天推測星度與大
衍差率頗異乃詔承嗣等雜麟德大衍之旨治新
歷名建中正元歷少始照翻嗣祥吏翻更工衡翻

資治通鑑卷二百二十七